



ლიტერატურული მეხსეთი

№6 (322)
ივნისი
2025 წელი
ფასი 40 თეთრი

გამოცემის ოცდაათწლიანი წელი

"LITERATURULI MESKHETI"

შოთა ლომსაძე - 100

ოჯახური მონიერი შეცნიერის საიუბილეო

მერაბ ბერიძე

ფილოლოგიის მეცნიერებათა
დოქტორი, პროფესორი



არიან ადამიანები, რომლებიც თავიანთი წასვლით იხვევენ დიდ გულისწყვეტას, დანა-ნებას და ამით ქრებიან ჩვენს მესხიერებაში, საზოგადოებრივ ცხოვრებაში. ასეთები ბევრ-ნი არიან. მათ პატიოსნად გაუვლიათ თავიან-თი ცხოვრება, უშრომიათ, უღვანიათ, შეუქმ-ნიათ საზოგადოებისათვის სიკეთე. ჰყოლიათ ლამაზი ოჯახი, დაუტოვებიათ შთამომავლობა და პირნათელნი შეგებებიან სამუდამო სასუ-ფეველს.

შოთა ლომსაძე ის კაცი იყო, რომელიც მთე-ლი თავისი ცხოვრებით იღვწოდა სამშობლოს, მამულის, მისი ისტორიის, მეცნიერული შეს-ნავლისათვის. დღესა და ღამეს ათენებდა წარ-სულის თითოეულ ფაქტთან დაკავშირებით. აცოცხლებდა გარდასულ დროთა ეპოქებს და ამით მომავალს აძლევდა დიდ სტიმულს, დიდი დაფიქრების საფუძელს, რომ სამშობლო არ არის ერთგვარი სიყვარულის ობიექტი, რომ სხვა რამეა სამშობლო, რომლისთვისაც ღირ-და ცხოვრება და რაც მთავარია, შოთა ლომსაძე გარდაცვალების შემდეგაც ისევ გვინათებს საქვეყნო, სამამულო იდეებისათვის ღწვის გზებს. დღესაც, როგორც მაშინ, როდესაც თა-ვისი ჯავახური შემართებით არ უყვარდა უკან დახევა, საქმე რომ მამულს ეხებოდა. ვრცელი თემაა შოთა ლომსაძე და ისტორია. ვინც სა-ქართველოს და, განსაკუთრებით, სამხრეთ საქართველოს ისტორიას სწავლობს, გვერდს ვერ აუვლის მის შესანიშნავ ნიგნებს, განსა-კუთრებით კი — „სამცხე-ჯავახეთს“.

შოთა ლომსაძე პირველი იყო ქართველ ისტორიკოსთა შორის, ვინც მონოგრაფი-ულად შეისწავლა „ახალი დროის“ მესხეთი, დღევანდელი სამცხე-ჯავახეთი. გამოვიდა იმ რომანტიკული ფერებიდან, ზოგადი წარ-მოდგენიდან, რომლის მიხედვითაც მესხეთი მხოლოდ წარსულზე გვიქმნიდა წარმოდგენას. მესხეთის ქვეშ მხოლოდ აყვავებული, ძლიერი და მაღალკულტურული „ქვეყანა“ იყო ჩვენი სამშობლოსი. მან მე-19 საუკუნის კვლევის საფუძველზე აჩვენა ის ისტორიულ-ეთნიკუ-რი რეალობა, რაც ჩამოყალიბდა საქართვე-ლოს რუსეთთან შეერთების შემდეგ. უცხოურ და ქართულ დოკუმენტებზე დაყრდნობით დაგვიხატა მრავალეთნიკური და მრავალკომ-ფესიური სიტუაცია, რომელიც სწორედ ამ პერიოდში იქმნება. თვითონ ტერმინი „სამცხე-ჯავახეთი“ შოთა ლომსაძის დაფინებული მოთ-

ხოვნით იქნა შემოღებული მესხეთ-ჯავახეთის ნაცვლად, რადგან მეცნიერი თვლიდა, რომ მესხეთი, როგორც ეთნიკური თუ ადმინისტ-რაციული ტერმინი, არავითარ შემთხვევაში არ უპირისპირდებოდა ჯავახეთს, რომ ჯავახე-თი მესხეთის ისეთივე ნაწილი იყო, როგორც სამცხე, ტაო, კლარჯეთი, არტაანი, ერუშეთი, შავშეთი და სხვა. ასე რომ, ჩვენ შეგვიძლია ვთქვათ, დღევანდელი ადმინისტრაციული ტერმინი — სამცხე-ჯავახეთის მხარე, სწორედ შოთა ლომსაძის და მისი შრომების საშუალე-ბით არის ხელდასმული.

შოთა ლომსაძემ განსაკუთრებული ღირ-სებითა და პატივით გამოიკვლია კათოლი-კური მესხეთი. დიდი მისი ღვაწლი მიხილ თამარაშვილის ბიოგრაფიის და მეცნიერული შრომების მიმართ. შოთა ლომსაძემ გვიჩვენა, რომ კონფესიურობა, განსხვავებული რელიგი-ური მრწამსი, არავითარ შემთხვევაში არ უნდა უპირისპირდებოდეს ეროვნულს. ქართველ კა-თოლიკებს, რომელთაც „ფრანგებს“ ეძახდნენ საქართველოში, არავითარი კავშირი არ ჰქონ-დათ ფრანგობასთან. მთავარია, რომ ისინი იყ-ვნენ ქართველები და გამორჩეული ქართველე-ბი მე-19 საუკუნეში. თავიანთი კათოლიკობით იბრძოდნენ სამშობლოს ერთიანობის, განათ-ლებისა და მომავლისათვის. მე-19 საუკუნის ქართველ კათოლიკეთა ღვაწლი კიდევ უფრო ნათლად ჩანს დღეს, როდესაც სარწმუნოებრი-ვი დაპირისპირება სხვა რეესტრში არის აყვა-ნილი და გლობალურ ხასიათს ატარებს. რო-დესაც რთულია ჩვენსაირმა ერებმა გაუძლონ სწორედ მრავალსარწმუნოებრივ დანოლას, შოთა ლომსაძე სწორედ ამის შესახებ გვაფრ-თხილებდა ყოველთვის და, რაც მთავარია, ამ ყველაფრის საფუძველი სწორედ ქართველ კა-თოლიკე მამათა საქმიანობა იყო როგორც სა-ქართველოში, ისე თურქეთში, თურქეთის ქარ-თულ საგანგებო — ფერეიქოვში. „სამცხე-ჯავა-ხეთში“ უდიდესი ადგილი ეთმობა სამცხისა და ჯავახეთის ეთნიკური შემადგენლობის ახალი ფორმის ჩამოყალიბებას, რომელიც სხვადასხ-ვა ეროვნების მიგრანტთა საფუძველზე მოხ-და. მან დეტალურად შეისწავლა სომეხ მიგ-რანტთა შემოსახლება სამცხესა და ჯავახეთ-ში, მათი წინამძღოლები, თურქეთისა და რუ-სეთის სახელმწიფოებრივი დამოკიდებულება. რუსეთი ასეთ შემთხვევაში თავის იმპერიულ ზრახვებს ანესრიგებს, როდესაც თურქეთი-დან ჩამოსახლებულ სომეხებს, რათა იმპერიის სამხრეთ საზღვრებზე საიმედო დასაყრდენი გაიჩინოს. არანაკლები მნიშვნელობა ჰქონდა ამისათვის რუსი და უკრაინელი სექტანტების — დუხოპოროებისა და მალაქენების, ასევე ბერძ-ნების ჩამოსახლებას ჯავახეთში და ა.შ.

ეს პროცესი მიმდინარეობდა ადმინისტ-რაციული მეთოდით, წინასწარი პროექტებითა და გეგმით და აქედან გამომდინარე, შედეგიც ნათელი იყო. ჩამოსახლებულ მიგრანტთა უკან იდგა იმპერია და მათი პრივილეგიების სა-ფუძველზე ირღვეოდა ისტორიული მესხეთი. მეცნიერი ამ რღვევის პროცესს კიდევ უფრო მწვავედ გვიხატავს, როდესაც გამუსლიმებულ ქართველთა ისტორიას წარმოგვიდგენს. მეს-ხეთის გამუსლიმება, მე-17 - მე - 18 საუკუნი-დან მოყოლებული, ყველაზე რეალურ ხასიათს სწორედ მე-19 საუკუნეში ღებულობს, ამიტომ შოთა ლომსაძის კვლევის სფერო, მიზანი, არის მუსლიმი ქართველების ბედის ღრმა და საფუძვლიანი შესწავლა.

კომუნიტურ ეპოქაში არ იყო ადვილი დასმულიყო კითხვა: რატომ ხდებოდა, რომ კავკასიაში ქრისტიანობის მხსნელის იდეით შემოსული რუსეთი აქტიურად უჭერდა მხარს მესხების გამუსლიმებას და მათ გასახლებას სამშობლოდან. ეს პროცესი შემდეგ ფიქსირ-დება და დასტურდება რუსული კანცელარიის მიერ ჩატარებულ კამერალურ აღწერებში, რომლებშიც კარგად ჩანს, რომ თუ მე-19 სა-უკუნის პირველ ნახევარში, ამა თუ იმ სოფელ-ში ცხოვრობდნენ მუსლიმი ქართველები და ასე იყვნენ ისინი დაფიქსირებულნი ეროვნულ-

სარწმუნოებრივ გრაფაში, მე-19 საუკუნის ბოლოს მათ უკვე უწოდებენ „თათრ“ და ეს ის ხალხი იყო, რომლებიც მე-20 საუკუნის 40-იანი წლების დასაწყისში გასახლეს მესხეთი-დან როგორც თურქები. შემთხვევითი არ არის, რომ მე-19 საუკუნის თემა, რასაც ეხება შოთა ლომსაძის სამცხე-ჯავახეთი, გადმოვიდა მე-20 საუკუნეში. პროცესი, რომელიც დაინყო ოსმალეთმა, გააგრძელა მე-19 საუკუნეში რუ-სეთმა და დაასრულა მე-20 საუკუნის პირველ ნახევარში საბჭოთა ხელისუფლებამ, გადამწ-ყვეტი აღმოჩნდა მესხეთის, როგორც ეთნი-კურ-ადმინისტრაციული „ქვეყნის“ დაშლაში.

ამ ყველაფრისთვის მთელი ცხოვრება იბრძოდა შოთა ლომსაძე. ის ყველაფერს აკე-თებდა იმის დასამტკიცებლად, რომ მუსლიმი ქართველები, მუსლიმი მესხები ისეთივე ქარ-თველები არიან, როგორც სხვა დანარჩენი სარწმუნოების წარმომადგენელი ქართველე-ბი, რომ მათი სარწმუნოებრივი ცვლილება არ უნდა გამხდარიყო ეროვნულობის ცვლილება. არ დაგვაინწყდება ერთი ძალიან მნიშვნელო-ვანი მომენტი მესხეთის ცხოვრებაში, როდე-საც საქმე ეხებოდა მუსლიმი ქართველების ქართველობის მტკიცებას და შოთა ლომსაძის ამ საქმეში განსაკუთრებულ თავდადებას, ერ-თმა ვაიქართველმა მამალმა, საქვეყნოდ, მი-ტინგზე რომ განაცხადა, უნდა დაინვას შოთა ლომსაძის ნიგნები. ქართველები ხომ ტრაგი-კული ბედის ხალხი ვართ საერთოდ, შექმნილი სიტუაციის დროს აღარ გვასვენდება აღარც გაგინსერთი მეცნიერის მომავალი, ოღონდ ვიღაცას და რაღაცას ვასიამოვნოთ, ამით რომ ჩვენი უსუსური ყოფნა გავამართლოთ და უზ-



შოთა ლომსაძე, მუსხრან მაჭავარიანი

რუნელებყოთ. დანვა კი არა, შოთა ლომსაძის ნიგნები დღესაც ღალადებენ, დღესაც გვეუბ-ნებიან, რომ გამოფხიზლდითო, ქართველებო, ჩახედეთ თქვენს ისტორიას! არ შეიძლება არ გაგინსერთი მეცნიერის პოეტურად ნათქვამი თავისავე „სამცხე-ჯავახეთზე“:

„მე ამ არქივთა ვინრო სარგმლიდან
საუკუნეთა ვიყავ მზირალი.
თავი გავწირე, გრძნობა ვანვიმე
და შევექმენ ესე ხმით ნატირალი.
შორს არ გამიდეგ, ყური დამიდეგ,
არ თქვა ამაოდ თითქოს დავმეერი.
უნდა გავმრავლდე, უნდა

გავმრავლდე, უნდა გავმრავლდე — აი, სამეფლი.“
ამიტომ, შეუძლებელია ისაუბრო შოთა ლომსაძეზე და არ აღინიშნო მისი განსაკუთრე-ბული ღვაწლი ქართულ პოეზიაში. უცნაური ბედი დაჰყვა მესხეთს. მის ნიაღში იყო ჩასახუ-ლი ქართული სასულიერო მწერლობა და პო-ეზია. მესხეთში შეიქმნა სწორედ სასულიერო მწერლობისა და პოეზიის მსოფლიო მნიშ-ნელობის ნაწარმოებები. მესხეთში შეიქმნა „ვეფხისტყაოსანი“, აქ ყოველი კუთხე და კუნ-ჭული რუსთაველის სუნთქვით სუნთქავს და მოხდა ისე, რომ როდესაც ყალიბდებოდა მე-19 საუკუნის ქართული კლასიკური მწერლობა, არცერთი მესხი ავტორი არ გამოჩენილა შე-

მოქმედებით ასპარეზზე. ისე გავიდა მე-20 სა-უკუნის პირველი ნახევარი, რომ მესხეთიდან არ ისმოდა ფასეული ქართული სიტყვა. შეგ-ვიძლია, ვთქვათ, რომ შოთა ლომსაძემ ერთ-ერთმა პირველმა შექმნა მესხ პოეტთა შორის მე-20 საუკუნეში თავისი შესანიშნავი ლექსები:

„ერთი სუნთქვა ვარ მე შენთანად
და სათნოებით ვქრები, ვინთები;
აჰა, გადახსენ ჩემი საგულე, —
და დახლებილი ნახე ფილტვები.
ერთი სუნთქვა ვარ მე შენთანად,
ვარ ამომშრალი შენზე ლოცვებით,
სამშობლოვ, თუ სხვა მომკლავს
ზმანება,

შენს სიყვარულში კვლავ
გავცოცხლდები.“

დღეისათვის მესხეთში მოღვაწე პოეტები და მწერლები ხშირად მიმართავენ ისტორიულ თემატიკას, მიმართავენ და იყენებენ კულ-ტურის იმ ძეგლებს, რომლითაც მთელი ჩვენი ქვეყანა ამაყობს. ამ ყველაფრის საფუძვლის ჩამყრელი სწორედ შოთა ლომსაძე იყო ჩვენს მხარეში. მისი პირველი პოეტური კრებული ჯერ კიდევ 1959 წელს გამოვიდა, რომელშიც ავტორი წერდა:

„გადმოსული ვარ ჯავახეთის გზით,
სადაც ზეცაზე სხედან ხობები...
და სიმღერებით ქართლში, კახეთში,
ავთანდილივით ქედებს მოვეყვები.“
ჯავახეთი, კერძოდ, მისი მშობლიური სო-ფელი ჩუნჩხა, იქცა პოეტის მაცოცხლებელ, ყოფნისა და ცხოვრების საფუძველად დიდ ძალად ამ ქვეყანაზე: „ჩუნჩხის წყარო, ჩუნჩხის წყარო, მელანდებიან გულში წყაროთი...“

კლდეებო, ერთხელ მაინც ახსენეთ, თუ სადმე
გყავდეთ შვილი მხურვალე.“
„ბატონ შოთას უყ-ვარდა თქმა: „მე ვარ ტომით ჯავახი, სულით და ცხოვრებით მესხი და ეროვნებით ქართველი.“

საკუთარ ბედისწერად ქვეულ ჯავახეთსა და ჯავახობაზე არაერთხელ უთქვამს პოეტს: „ციც სანგარში თეთრ ღამეებს
ისე როგორ გავათვდი,
ფიქრებში არ დამეხატა
მშობლიური ჯავახეთი.
ცხარე ოში, სადაც ვიყავ,
ჩემი მხარის მტარვალს ვკვეთდი.“

მისი ჯავახობა, მისი მესხობა, მისი ქართ-ველობა გადამდები იყო ნებისმიერი ურთიერ-თობისას. ამიტომაც არის, რომ მის ლექსებში ყალიბდება და ცოცხლდება ხშირად ჩვენი ისტორია. რა თქმა უნდა, არც ეს არის შემთ-ხვევითი, ეს ხომ მოსალოდნელი იყო პოეტისა და ისტორიკოსისაგან. მისი პოეტური ქმნი-ლებები დეკლარაციული ხასიათისაც კი არის და მათში დღევანდლობის გარდა მომავალზე დაფიქრების აუცილებლობაზე მიგვანიშნებს თავფარავანთან მდგარი პოეტი:

„დღეს აქ რომ სათლესს არავინ
ანთებს,
იცოდე, მეტი სიფხიზლე გვმართებს.

გაბრძნობა მე-9 გვ. ▶

აფხაზაჟაჟა

მზია სალპარიძე

ვაკანსიების გვერდზე შევიდა და სა-თავისოს რომ ვერაფერს მიაგნო, ხელ-ჩაქნეულმა ყველაფერის კითხვა დაიწყო. მხერხავი, მკერავი, მზვერავი, მფხეკავი კი სჭირდებოდათ. გაეცინა, განა ისეთი რა უნდა მიჭირდეს, ავდგე და მე, უბე-დურ დღეზე გაჩენილმა, ვინმესთან ან სადმე მფხეკავად მოვეწყო... სიმწრის ხავილი აღმოხდა და კითხვა განაგრძო. მფხეკავსაც ეძებდნენ თურმე. ნეტა, რა უნდა ფხვნიო, დაინტერესდა და ნომე-რი აკრიფა. შაბლონური კითხვა-პასუხის შემდეგ გაარკვია, რომ რაზეც მიაყენებ-დნენ, ის უნდა ეფხვიკა. არც გამოცდილე-ბას ითხოვდნენ და არც განსაკუთრებულ უნარ-ჩვევებს. ბოლო-ბოლო, მღებავად ხომ არ მიდიოდა, რამე პასუხისმგებლო-ბა რომ ეგრძნო? ადგა და წავიდა.

ჯერ დაჟანგულ ღობეზე მიუთითეს, მერე საღებავგაცლილ მესერზე, სერის გაღმა რომ გადადიოდა. მესერი აირჩია, გირვენებთ თქვენ სეირსო, ტომ სოი-ერივით მიმოიხედა ვინმეს გასასულე-ლებლად, მაგრამ დამსაქმებლის გარდა სულიერი რომ ვერსად დალანდა, აუჩქა-რებლად შეუდგა ფხეკას. თავისმა ახალ-მა საქმიანობამ რატომღაც ეკა გაახსენა, მისი კარის მეზობელი, ერთი წვრილკანჭა და ფხუკიანი გოგო. ის ასაშენებელი გა-მოიტანდა საერთო აივანზე გაშავებულ გობებსა და ტაფებს და თავისი უსუსური ხელებით ფხეკდა და ფხეკდა, ფხეკდა და ფხეკდა... უყურებდა აივნის ბოლოდან აივნის თავში წვრილკანჭას ჯაჯგურს დღევანდელი მფხეკავი და თავს ძლივს იკავებდა ბრაზისგან. ერთხელაც იქნება გადავუყრიო, ფიქრობდა და ხის მოაჯი-რებს მუჯღუგუნებს ურტყამდა. ბოლოს წამოდგა, გამოიტანა ელექტრო ზუმფარა და ხუთ წუთში ხუთი საათის საჯახირო დაუმთავრა. მერე აუხირდა, აქ მეორედ აღარ გამოიტანო, თორემ აივნიდან მო-ვისვრიო და მორყეულ მაგიდას ისე დაჰ-კრა მუშტი, უნესრიგოდ დახვავებულმა ჯამ-ჭურჭელმა ჭურვებივით დაიწყეს ცვენა იატაკზე.

– როყიო, – მიაძახა ეკამ მეზობელს და იატაკიდან ნივთების ალაგების ნაცვ-ლად პირველი, რაც ხელში მოხვდა, პირ-დაპირ კოჭებში გაუქნია მფხეკავს.

– ავოო, – დაუბრუნა იმანაც ხურდა და ორივემ, კარგად შეფუცხუნებულ- შე-ხურებულბმა თავთავიანთი კარები გა-მოიხურეს...

იდგა მესერთან მექანიკური ზუმბა-რით ხელში და რა ჯანდაბამ გამახსენა ის წვრილკანჭაო, – საკუთარ თავზე მოსდი-

ოდა ბრაზი...

მესერს რომ მორჩა, დამსაქმებელს ანაზღაურება მოსთხოვა. იმ გასახარელს იჩქითად ბრაზი მოერია, ორ-სამჯერ კან-ტუზიანივით ფხვზე იჩქმიტა, მყის მყე-სები დაეჭიმა ყელზე და მოყელყელავე კაცის ენთუზიაზმით უსიტყვოდ მოუზო-მა დაჟანგულ-დაუჟანგავი ღობეები გა-საფხეკად. რა ეთქმოდა, რისი თავიცა და გასაქანიც ჰქონდა, ის ხომ ითავა? ხოდა უსიტყვოდ შეუდგა საქმეს.

ღობემ შემდუღებული სლავიკა გაახ-სენა, მთელი ეზო „სვარშიკ სლავას“ რომ ეძახდა. მერე იმისი ცოლიც მოიგონა, აკლებული რომ ჰქონდა ეზო-კარი დაუს-რულვებული წვილ-კივლით... სლავას საამქრო საკუთარ ფარეხში ჰქონდა მოწყობილი და მგონი კაცი არ დარჩე-ნილა მათ უბანში, ვისთვისაც ხელი არ გაუმართავს. რუსი და ასეთი გულიანიო, უკვირდა ყველას, მაგრამ, როცა ისე-ნებდნენ რა დედის შვილიც იყო, ქართ-ველები, სომხები, აზერბაიჯანელები თუ ქურთები, ყველა გაიძახოდა, – ასეთი კაი ბიჭი, უეჭველი ჩემიანის გაკეთებული იქ-ნებაო...

ეზოში ხვიარა წვრილი ვარდის ხე-ივანი ჰქონდათ. იმის ხილვას არაფერი სჯობდა გაზაფხულზე. სხვა დროს კი ისხ-დნენ აივნებზე ან ეზოში და უცქეროდნენ დაჟანგულ ღობეზე დახვეულ ბარდებს... მათთან ერთად უცქეროდა სლავიკაც და მუდამ უკმაყოფილოდ აქნევდა თავს. ერ-თხელაც კამფეტებთან ერთად ზუმფარე-ბი დაუორიგა პატარებს და მაისია ღობეს გასაფხეკად. ისეთი ხალისით ფხეკდნენ ბავშვები, რომ ორჯერ გაუზარდა კამფე-ტის დოზა და როცა მორჩნენ, მერე ჩურჩ-ხელებიც ჩამოურიგა.

დილაუთენია აახმაურა ფარეხის ჭიშ-კარი სლავამ და ძილი გაუქცია მეზობ-ლებს, მაგრამ სლავა სლავა იყო და არა-ვის არაფერი უთქვამს. ალბათ, საჩქარო შეკვეთა აქვსო და ხელი არავინ შეუშალა. დილით კი, როცა ეზოში გამოვიდნენ მე-ზობლები, დაინახეს, რომ ის ღობეები, რომლებიც გუშინ პატარებს გააფხეკინა, სულ რკინის ვარდებიანი ნაკეთობებით შეემკო. ან როდის მოახვია ამდენი ვარ-დი, ან ასე როგორ მიაშვავსა მათი ეზოს ხვიარას, ვერავინ მიმხვდარიყო. მერე მთელი ორი დღე იდგნენ ბავშვები ფუნ-ჯებით ხელში და დიდი მონინებით, ზოგი რკინის ვარდებს, ზოგიც ფოთლებსა და ტოტებს აფერადებდნენ...

არც ღობის გაფხეკის მერე აუნაზ-ლაურა იმ ურჯულომ შრომის საფასური. – ღმერთი სამოხიბიაო, – უთხრა და სა-ლამოთი სადღაც წაიყვანა. ისეთი უკუნი ღამე იყო, თვალთან მიტანილი თითიც

არ ჩანდა. ცხენები რალაც შენობასთან შეაჩერა. ხელსაწყოები ჩამოაწყო და საფ-ხეკი შეაჩერა. იმან ჩექმა ჩაიჩაჩა, მკლავე-ბი აიკაპინა. ისეთი ბრაზი ჰქონდა ყელ-ში მოზგენილი, მზად იყო ალიკაპი აეკრა მისთვის და მერე გულიანად მიებრეგვა. არ ვიცი, გუმანს მიუხვდა თუ რა იყო, უთხრა, – ტყუილად ნუ ფვინავ, ახლა არ უნდა იმუშაო. ამ სახლში შევალთ, ღამეს გავათვით და დილიდან საქმეს შეუდგე-ბი, კედლები კარგად უნდა ჩამოფხიკო. ამასაც რომ მორჩები, გასამრჯელოს მი-იღებ და დავიშლებითო. მანამდე კი, რა-ლაც კედელთან ჩაიშხლდა და ისე ეუბნე-ბა, – ეს ადგილი გაფხიკე, ნახე პირი ხომ არ მოუბლავდა შენს იარაღსო. სადაც ანიშნა, ის ადგილი მოფხიკა ამანაც და პრობლემა არა აქვსო, ანიშნა. რატომღაც სანთელს არ ანთებდა, სხვებსაც სძინავს და უხერხულიაო, – უჩურჩულა. იქვე სა-განგებოდ დალაგებულ ქვეშაებზე მიწე-ნენ. ამასაც რომ მორჩებიო, მოლაპარა-კებულზე ორჯერ მეტი თანხა დაუსახე-ლა, იმას მიიღებო, გაუპირდა.

გაიხარა მფხეკავმა. რა არ დაგეგმა დილამდე, თავისი საზღვრისპირა სოფ-ლის საჭიროებებიც გაიხსენა და თავისიც ...

ცოტა არ იყოს გაუკვირდა მისი ხელ-გაშლილობა. არადა, ძალიან ხელმომჭირ-ნე და ძუნწი ჩანდა ერთი შეხედვითო, – ფიქრობდა გულში.

გვიან ჩადინა.

როცა გაიღვიძა, თავზარი დაეცა, ტა-ძარში იწვა. შიშით მიმოიხედა აქეთ-იქით. მის სოფელში რუსების მიერ გავლებულ მავთულხლართს მიღმა დარჩენილი სა-ლოცავი ამოიწვნო. ბლავილი აღმოხდა, მუხლებზე დაცემულმა თავში ხელები წაიშინა და გაახსენდა, რომ გუშინ აქ რალაც ჩამოაფხეკინეს კედლიდან. ში-შით მიიხედა იქეთკენ. წმინდა გიორგის ფრესკის ქვეშ გველშაპი გადაეფხიკა. სახე მოიხოკა სიმწრით. ხოხვა ხოხვით მივიდა ფრესკასთან და ჰაერში დარჩენი-ლი შუბის ქვეშ მორჩილად დანვა...

...შუალღობი სალოცავის კარები ხმა-ურით შემოაღეს და როცა აუფხეკავი კედლები დაინახეს, „ჩორტ ევო, ტოჟე პაბირიო“, – დაიღრიალეს. ძირიდან ჯაჯგურით წამოაყენეს, ორივე მხრიდან ხელკავი გაუკეთეს და სამაჩაბლოს იზო-ლატორის გზას გაუყენეს.

იქ, მის გარდა, კიდევ ორი ქართველი იყო. ერთმანეთს უხალისოდ ახედ-დახე-დეს. ვერც კარგი უთხრეს ერთურთს და ვერც ცუდი, ისე, უსიტყვოდ გადაეჭვდ-ნენ და, გაცნობის ნაცვლად, ორი სიტყ-ვით აუხსნეს გარემოება. ჩვენც არ გა-დავფხიკეთ!

დავითიან დაჯანდაჯ

თამარ გლუჩაძე

პირველი შეგრძნება იყო, რომ ილ-ვიძებდა. ძილის სამყარო ხელს უშვებ-და, თუმცა რალაც მასში ჯერ ამისთვის მზად არ იყო. მთელი სხეული კბილის ტკივილებით ყრუდ სტიკოდა. თვალის გახელა სცადა და გაუჭირდა, თითქოს ქვიშა ჰქონდა თვალბეში ჩაყრილი და რომც გაეხილა, ვერაფერს დაინახავდა. პირი გაშრობოდა. დაძახება უნდოდა, მაგრამ ხმას ვერ იღებდა, არ იცოდა, ვისთვის დაეძახა. შიშმა აიტანა, კონკ-რეტულად არაფრის, უბრალოდ შიშმა. გონება დაძაბა. როგორმე უნდა მიმხ-ვდარიყო, სად იყო და გაეგო, რა ხდე-ბოდა მის თავს. ოდნავ სციოდა. იგრძ-ნო, რომ ლოგინში იწვა, უნდოდა საბანი კარგად დაეხურა, მაგრამ ხელებს ვერ გრძნობდა.

ასეთ მდგომარეობაში რალაც დრო გავიდა. უცებ ძლიერი დამუხრუჭების ხმა ჩაესმა ყურში. მერე... მერე... თით-

ქოს მანქანიანად ბზრიალ-ბზრიალით მიგორავდა დაბლა და დაბლა... გამო-დის, რომ მანქანით სადღაც გადაიჩეხა და გადარჩა. ჩაელიმა - ჯერ-ჯერობით გადარჩა. თვალბეშის გახელა ისევ სცა-და. ქვიშა ისევ ხელს უშლიდა. მართ-ლა ქვიშაა თუ რა სჭირს? ცოტა ხნით დაისვენა, გონების დაძაბვაც ღლიდა. და, უცებ, საზარელმა აზრმა სული და გული დაუსერა, საკუთარ სიცოცხლის დაკარგვის შიშზე ათითასჯერ დიდმა შიშმა თავზარი დასცა – ვინმე ხომ არ დაიღუპა მის გამო?! ან... არა! ოღონდ ცოლ-შვილი არა! აირია, აწრიალდა და თვითონვე რომ შეძრა, ისეთი არაამქ-ვეყნიური ღრიალი ამოუშვა სხეული-დან. თითქოს ამ ღრიალის ექოს გამოჰ-ყვნენო, რამდენიმე ადამიანი სწრაფი ნაბიჯით შემოიჭრა მის სივრცეში. მიხ-ვდა, რომ ექიმები იყვნენ. მოჩვენებე-ბივით უხმაუროდ დაფუსფუსებდნენ, თავს დასტრიალებდნენ. მერე ერთმა-ნეთში დაიწყეს საუბარი. სამედიცინო ტერმინოლოგია მისთვის გაუგებარი და

ნაკლებად საინტერესო იყო, დანარჩენი ფრაზებიდან უნდოდა ამოეკითხა აზრი. როგორ არ ეცადა, მაგრამ ვერაფრით შეძლო ეკითხა, რაც ასე აწვალებდა. უცებ, თითქოს მიუხვდა სატიკივარსო, ერთ-ერთმა ექიმმა მეორეს გადაულა-პარაკა:

– კიდევ კარგი არავინ ეჯდა მანქა-ნაში.

“არავინ ეჯდა! არავინ ეჯდა!” იმე-ორებდა გულში გადარეულვით და იგრძნო, ცრემლები როგორ წამოუვი-და და როგორ გაქრა ყველაწაირი შიში. ერთ-ერთმა ექიმმა ცრემლები მოსწმინ-და და ვერ მიხვდა მას უთხრა, თუ სხვა ექიმებს:

– გავალ, ცოლ-შვილს გავახარებ, უკვე თამამად შეგვიძლია ვთქვათ, რომ გადარჩა. რა სასწაულია, ამ შობის დი-ლას თავიდან დაიბადა.

მერე წამლებმა იმოქმედეს და იყო ტკივილის გაყურება და ძილი. ეს უკვე ბედნიერი ადამიანის ტკბილი და მშვი-დი ძილი იყო.

ოჯანგმოსილი მეცნიერის საიუბილეო

◀დასაწყისი გვ. 1

უამი რომ არ თვლემს, წამი რომ არ თვლემს, ქარი რომ წუნავს წიგნებს და დავთრებს, უფრო მეტი სიფხიზლე გვმართებს“.

მესხეთში სოფელთა გაღვესვა ტრადი-ციად იყო ქცეული. ამ გაღვესვის დროს, ამა თუ იმ სოფლის ავი და კარგი წარმოჩინდე-ბოდა ხოლმე. შოთა ლომსაძის დროს ეს იყო ცოცხალი პროცესი. ეს იყო ურთიერთობები სოფელთა და სოფელთა შორის, ამიტომ ნი-შანდობლივია ამ ტიპის სახე მის ლექსში.

„ხანდო, ხერთვისი, ხეოთი, ალვის ხედ მოირხეოდი, მნატრობდი ბალახად ქცევას, ფეხებზე შემოგხეოდი.“

ამავე რიგისაა სხვა ლექსებიც: „ოშორა თუ შორია, ახაშენი ახლოა, ჩვენი პრეისტო-რია ბნელი სამოსახლოა.“

პოეტისათვის, ისევე, როგორც მისი ყველა თანამედროვისათვის, სამშობლოზე შეყვარებული და დაფიქრებული ადამიანი-სათვის, განსაკუთრებული გულის ტკივი-ლით ჩანდა ტაო-კლარჯეთში, საქართველოს ფარგლებს მიღმა დარჩენილი საქართველო. დღეს, როდესაც ჩვენს კეთილ მეზობელთან, თურქეთთან საზღვარს გადავკვეთთ, შემოგ-ვხვდება სოფელი, რომელსაც თურქგეზა ჰქვია. ეს ძველი ქართული სოფელი ბადელაა. მეზობლებმა ფოცხოვის ხეობის და, საერ-თოდ, არტაანის გუბერნიის სოფელთა აბსო-ლუტურ უმრავლესობას შეუცვალეს ქართუ-ლი სახელები, რაზეც წინასწარმეტყველე-რად წერდა მე-20 საუკუნის 80-იან წლებში შოთა ლომსაძე.

„იქით ბადელა, აქეთ არალი, - შუა გამწყდარი ჰარი - არალი.“

ეს სიტყვები ჩვენი თაობის ერთგვარ გზამკვლევად იქცა ქვეყნის სიტორიის აღქ-მის რთულ ლაბორინთებში. ბადელა იყო დასა-კარგად განწირული, უცხოეთში დარჩენილი სახელი, რომელიც პოეტის მიერ ეგრერივად გაჟღერდა და განსაკუთრებული დატვირთა შეიძინა:

„ისევ ბადელა, ისევ ბადელა, ისევ იქაურ ქარმა დამბერა, მატანავთა ძველთა ფურცლებში, გადამისროლა და დამაბერა.“

..... „ჰოი, ბადელა, ჩემო ბადელა, ნუ მკითხავთ ასე რამ დამაბერა.“


მე-20 საუკუნის პირველი ნახევარი მეს-ხეთში საზის და აშულების პერიოდი იყო. აშულური პოეზია ქართული პოეზიის და გან-საკუთრებით მესხეთში ხალხურ მოტივებზე შექმნილი ლექსებით, ჩვენი კულტურის ნაწი-ლია. აშულური პოეზია ძირითადად თურქულ ენაზე იქმნებოდა, მაგრამ მას ქართულადც მღეროდნენ. ქორწილებსა თუ დღეობებში გავრცელებული იყო ქართველი კაცი, რა ენაზე ეთქვა სიმღერა თუ ლექსი, იმდენად მაღალი დონითა და მაღალი სამემსრულელო ოსტა-ტობით გამოირჩეოდნენ აშულები.

ცნობილი აშულები ხალხის უსაყვარლე-სი პოეტებიც იყვნენ. ერთი მათგანი არის სწორედ შიგლა ბერიძე, რომელიც ცნობილი მომღერალი და მოპაერე იყო. მას არაერთი საზი მოუგია მონინალმდეგესთან პაექრობა-ში. შიგლა ქმნიდა სიმღერებს თურქულად და ქართულად. შიგლას შემოქმედებაზე იზრდე-ბოდა მთელი მესხეთი. შოთა ლომსაძე განსა-კუთრებულ პატივს სცემდა შიგლას, როგორც ხელოვანს, როგორც პიროვნებას, როგორც ქართველ კაცს. მან ლექსების ციკლი უძღვ-ნა ამ შესანიშნავ პიროვნებას და მას „შიგლას სიზმრებით“ უწოდა. ეს ციკლი გამორჩეულია შოთა ლომსაძის პოეზიაში. მესხეთში მოღვა-ნე პოეტები ძნელად გადავიდნენ აშულური პოეზიიდან კლასიკურ ქართულ ლექსზე, ამი-ტომაც ამ კუთხითაც ძალიან საინტერესოა ეს ციკლი. ციკლის შემავალი ლექსების მხოლოდ სათაურებიც კი შეგვიქმნის წარმოდგენას შიგლას ტრაგიკულ ბედსა და ხელოვნებაზე. აი, ისინიც: „წმინდა ლექსი“, „ქრატგები“, „მწუხრის ზარები“, „შიგლას დარდები“, „გზებ-ზე“, „ლამაზების გუნდი“, „საზნები“, „შიგლას გაქცევა სოფლიდან“, „შიგლას სიკვდილი“, „ხის ჯვარი ანუ გზაჯვარედინი“, „შიგლას სო-ფელში“.

შიგლას პოეზიასთან და ცხოვრებასთან სიახლოვეს კარგად გამოხატავს შოთა ლომ-საძის ლექსი „შიგლას გაქცევა სოფლიდან“:

„იქნებ გასურდა ამ ორპირი მონური შეგმწყვდია გულისთქმა... საქართველო დაუმხია სიძულვილს, საქართველო აღსდგა სიყვარულითა.“

გაგრძელება გვ. 2 ▶



ოთარ ჩუჩუა

ჩვენია...

ისევ მენვია მუზა და
შემომენწერა დარდიანს,
გორგასალს ვუქებ მუზარადს,
გმირობას – ცოტნე დადიანს.

ვლოცავ ბასიანს სოსლანის –
თამარის თანამეცხედრის,
სხვის მიწაში წევს მგოსანი –
რუსთველი – შვილი მესხეთის.

თუმც არამხოლოდ მესხეთის,
ის მთელი ქვეყნის შვილია,
რეკენ ზარები დღეს მცხეთის,
ამ მიწის გამოზრდილია...

არსაკიძეც და შორენაც,
მეფე გიორგიც, გირმელიც,
განვიცდი მათ განშორებას,
მხოლოდ სიმღერა მიშველის.

მსურს: არჩილ კერესელიძის
ვიმღერო „სვეტიცხოველი“,
მაოცებს ფერი ჩემი ცის,
წყალობას ღვთისგან მოველი.

შეგვერგოს სადილ - სამხარი,
ის მიყვარს, – რაც დაგვრჩენია,
ჩვენია ვარდისახარიც,
თარაშ ემხვარიც ჩვენია.

მე სიხარულის ცრემლებით
მოვრწყე ჩემივე მინდორი,
ვნერ სიამაყის შეგრძნებით,
მეამაყება დიდგორი.

გავჩნდი... შუბლზე მცხეს მირონი,
დამათერეს საპოვნელათი,
ბედიაც მაქვს და ილორიც,
მაგრამ სულ სხვაა გელათი.

ვარ ისტორიის მქებელი,
მომფერებელი ვაზისა,
ამ ლექსში გამცოცხლებელი
ქუჯის და ფარნავაზისა.

ვიხსენებ გამსახურდიას,
კოსტავაც არ მავიწყდება,
ორთავე ნამსახურია,
არასდროს დამავიწყდება.

ასეა... ვამბობ სიმართლეს,
ტყუილის თქმაც არ მჩვევია,
ჩვენია ქვეყნის სინათლეც,
ეს საქართველოც ჩვენია!

ფიფნა გმირებს!

ჩემთვის გმირია ბერი თევდორე,
ვაქებ ცოტნეს და ბაგრატიონებს,
ვარ იმ გმირების თანამედროვე,
აფხაზეთში რომ მაგრად იომეს.

ჩემთვის გმირია მერაბ კოსტავა,
სამშობლოსათვის ნამსახურია,
ზვიადს მამულის მაღლი მოსავდა,
ნათელში იყოს გამსახურდია.

ახლა შარტავაც უნდა ვახსენო
და მასთან ერთად გაბესკირიაც,
მათ სანთლებს ვუნთებ, სანამ ვარსებობ,
წყალობას შევსთხოვ: ნანას, მირიანს.

დედა ქეთევანს – კახთა დედოფალს
ვუქებ სიმტიცეს, რწმენას, მოდგმასაც,
ნოფელი მაღლობა ყველა ეპოქას,
გუბაზს, ფარნავაზს, ვახტანგ გორგასალს.

მე მოწამეთას მიწაზე ვდგევარ,
სული ტრიალებს არგვეთელ ძმების,
მათ არ სჩვევიათ უკან დახევა

და ქარქაშებში ჩაგება ხმლების.

იყო შინდისი, ცხრა აპრილი და
იყო წლების წინ ბრძოლა ტამიშის,
დღეს ჩემშიც ცოცხლობს ყველა გმირი და
ქვეყნის სიყვარულს ვერვინ დამიშლის.

ფეხზე ვუდგები სამას არაგველს,
მარაბდის ველზე დაცემულ ცხრა ძმას,
დედა ღვთისმშობლის კალთა ჰფარავდეს
ამ საქართველოს – სალოცავ ტაძარს.

არ შემიძლია – მეც არ ვახსენო
სააკაძეთა გვარი, ბუნება,
ჩვენი ქვეყანა დღეს რომ არსებობს,
არის იმათი დამსახურებაც.

ქართველი თუ ხარ, არ გქონდეს შიში,
შეინარჩუნე შენი ზნეობა,
დღემდე მაოცებს მხარგრძელთა ჯიში,
ახალციხელთა მხიბლავს მხნეობა.

მტკივა ობლობა ვაჟას შვლის ნუკრის,
წყაროს წყალს ვასმევთ ქორბუდა ირმებს...
ვიდრე ჩაქრება თვალეზში შუქი,
თავს ცხრი და ვამბობ: დიდება გმირებს!

მჭირს სიყვარული
განუკურნელი

ტაო-კლარჯეთის მიწის სურნელი -
არის სურნელი საქართველოსი,
მჭირს სიყვარული განუკურნელი
ბაგრატიონთა სამფლობელოსი.

დღეს აღარ რეკენ ოშკის ზარები,
თუმც კვლავ აოცებს მნახველებს ოშკი,
თითქოს ყველა დღე არის ზმანების,
სიზმარში ვხედავ: ხუთფერიან დროშით

როგორ შევდივარ წმინდა ტაძარში
და როგორ მლოცავს გრიგოლ ხანძთელი,
ვხედავ დედოფალს ქართულ კაბაში
და მიხარია რომ ვარ ქართველი.

ჭოროხს გაღმაც ძვერს ქართული გული,
იმ ლაზისტანსაც ვლოცავ ბერივით,
შეინარჩუნეს ენა ქართული
ფერიდნელი ქართველებივით.

მინდა ამიხდეს ყველა სიზმარი,
ცხადად ვიხილო ყველა ზმანება,
ვიდრე მასველებს ჩემი ცის ნამი,
იარები მაქვს სულში ზზარებად.

ტაო-კლარჯეთის მიწის სურნელი
არის სურნელი საქართველოსი,
მჭირს სიყვარული განუკურნელი
ბაგრატიონთა სამფლობელოსი.

თუმც აღარ რეკენ ოშკის ზარები,
დღესაც აოცებს ოშკი მნახველებს,
გულით მიქებენ ლამაზმანები
დიდ წინაპართა უკვდავ სახელებს.

დედამ ფიალა ღვინით ამივსო,
მსურს ვნახო ერი გამარჯვებული,
ჩემი ფესვები სამარადისოდ
ამ მიწაშია დამარჯნებული.

ხარ საქართველო...

ხარ საქართველო... მაღლით განგების,
რაც გაქვს, – მარტოდენ შენი განძია...
შენს სიყვარულში დავიდაგები
და მეყოლება მონმედ ვარძია.

ხარ საქართველო... დედა რუსთველის,
მეფე თამარიც შენი შვილია,
ამქვეყნად ყველა შინმოუსვლელი
შენს სიყვარულში დაფერფლილია.

მინდა მნათობმა გზა გამინათოს,
აქ სულ პატარა ცრემლიც ჩემია,
მეძვირფასები, როგორც იყალთო,
როგორც გელათის აკადემია.

შენ რომ არ იყო, დედამინაზე
არ ექნებოდა სიცოცხლეს ფასი...
და რა დღიდანაც გულით გინამე,
ჩემთვის იმ დღიდან გახდი ძვირფასი.

რუსთაველიდან მოყოლებული
კვლავ ინოდები მგოსანთ საუფლოდ,
„ვეფხისტყაოსნის“ წიგნით ქებული
შოთაის ენით ღმერთთან საუბრობ.

მე ვინ ვარ, მაგრამ მსურს ჩემიც გნამდეს,
მინდა კოცნებით კალთა აგივსო,
ჩემს პოეზიას, – ვითარცა ანდერძს,
შენვე გიტოვებ სამარადისოდ.

ფეფა

დედა! – უთბილეს ამ ერთ სიტყვაში
მთელი სამყარო ეტევა თითქოს,
ხარ პირნათელი შვილის წინაშე,
მინანილებდი შენს კუთვნილ სითბოს.

ნეტავ იცოდე: მჭირდები როგორ
შენი ორივე ძუძუთი გაზრდილს,
მწამს: თუ ოდესმე მეყოლა გოგო,
არც ის შეარცხვენს მის ქართულ მანდილს.

ისე მაკლიხარ, ვით უსინათლოს
თვალისჩინი ან ობოლს – ნუგეში,
მინდა მნათობმა გზა გამინათოს
და თეთრი მტრედი მეჯდეს უბეში.

ვარქმევ ამ ლექსს იმ ერთადერთ სიტყვას,
რომლის წარმოთქმაც ხშირად მიწევდა...
იმისი ყველა სურათი მიყვარს,
ვინც თავის ხელით აკვანს მირწევდა.

ცრემლები მახრჩობს, ჩემი გამზრდელი
ზეცის მკვიდრია... მიიღო ღმერთმა,
დავდივარ მარტო, როგორც გრანელი
და როცა ნავალ, ვიქნებით ერთად.

საქართველოს

ლექსებს ვუნერ საქართველოს,
სიზმრად ვხედავ ერთიანს!
ღმერთმა დიდხანს აჯანმრთელოს,
დედასავით ერთია!

მიყვარს ცოტნე დადიანი –
თაფლნასმული ქართველი,
მკერდექვეშ გული დარდიანი
ინვის, როგორც სანთელი.

აქ დავითის დიდგორია,
შამქორია თამარის,



ჩემთვის ჩვენი ისტორია
არის მუდამ მთავარი.

გულმზურვალე ვისმენ ლოცვებს,
მრევლსაც ვხედავ სევდიანს,
მჯერა: ისევ მოვილოცებთ
ქურმუხს, ილორს, ბედიას.

შორს არწივთა საბუდარს და
ვხედავ ჯიხვთა ქარაფებს..
მივალ ვაჟას აღუდასთან,
მთებს კაფიას ვაჯახებ!

ლექსით ვთვრები, გრძნობებს ვამხელ,
ეს არ არის არაკი...
მართალს ვამბობ, მსურს მეც გავხდე
შენი რული ზვარაკი!

ვიდრე ვცოცხლობ უფლის მაღლით,
მწვავს ჩემი მზის არილი...
ვნევარ... მცხია ტანზე თაფლი
ცოტნე დადიანივით.

მეც ვეტრფოდი ერთ კარგ გოგოს,
ნეტავ კიდეც მაჩვენა!
მისი დარდი მტკივა, როგორც
მოკვეთილი მარჯვენა!

ვეფერები დედის სურათს,
ვით შორენა – თავის შველს...
გული შავად შენისლულა,
მიწაც არსად არ მიშვებს.

გაუმარჯოს საქართველოს,
სიზმრად ვხედავ ერთიანს!
ღვთისმშობელმა აჯანმრთელოს,
დედასავით ერთია!

მჯერა: ისევ ითამაძებს,
დაზრდის ლომებს, ავაზებს,
იდავითებს, ითამარებს,
კიდეც იფარნავაზებს.

ღვთის ნათელი მოსავს ციდან,
ცხოვრობს რწმენით მომავლის...
ერი – ნადიდგორალი და
ერი – ნამამქორალი!

საცრფიალო

ბევრი გოგონა დავკოცნე,
ბევრმაც დამკოცნა ჟინითა,
ვერც ვერასოდეს გავსტყორცნე
ჩერქეზის ისარივითა.

ისევ ამოდის ჩვენი მზე
ამ ქვეყნის ცაზე დილითა,
როცა თვალეზში მე გიმზერ,
შენ მორცხვობ ყვავილივითა.

შენია ჩემი სამყარო,
მეც ვინვი სანთელივითა,
მოვკვდები, მსურს დამაყარო
გულმკერდზე მიწა... ღვინითა

მითხარი შესანდობარი,
მახსენე ენით ტკბილითა...
და არ მოიკლა გთხოვ, თავი,
აკაკის გამზრდელივითა.

ბევრი გოგონა დავკოცნე,
ბევრმაც დამკოცნა ჟინითა,
ვერც ვერასოდეს გავსტყორცნე
ჩერქეზის ისარივითა.

ვიდრე ჩვენი მზეც ამოდის
სამშობლოს ცაზე დილითა,

ყვავილს გადარებ სამოთხის,
მორცხვობ იმ ყვავილივითა.

ცის ვარსკვლავივით კაშკაშებ,
ხარობ მოყვასის ღვინითა,
სუნთქვას გვიჩერებ ვაჟკაცებს,
გვჭირდები ჰაერივითა.

საამო სამზერ მაგ სახეს
ნუ შეიღებავ ინიითა,
როს ვესტუმრები საწნახელს,
დაგლოცავ თეთრი ღვინითა.

მე ცუდს არაფერს არა გთხოვ,
დამატკებ ბადაგივითა,
„შენთანამც ყოფნით გამაძლო,
შენთანამც წოლა-ძილითა“.

ერთგვარულ ნაფიქარი

(მინიატურები მომავალი წიგნიდან)

გიორგი მოგოლაშვილი თაბაზ ხალაქი

რატომ აღარ კლავს არზაყანი მამას?

1936 წლის 23 ოქტომბერს მწერალთა კავშირში გაიმართა საჯარო განხილვა კონსტანტინე გამსახურდიას რომანისა „მთვარის მოტაცება“.

მიხეილ ჯავახიშვილს, სხვათაშორის, ერთი საინტერესო შენიშვნა მიუცია ავტორისათვის:

„როცა „მთვარის მოტაცების“ ნამდვილ გმირებს გაეცნობით, დარწმუნდებით, რომ კ. გამსახურდია ფრესკების მაგვარი სახეების მხატვარია. ის ფაქტი, რომ ავტორს წინასწარ მოფიქრებული არ ჰყავდა გმირები და გაზომილი არა ჰქონდა მათი მოქმედება, თავს იჩენს მესამე წიგნში, სადაც ამბის განსავითარებლად ავტორს ახალი გმირების გამოყვანა სჭირდება. ამას ყველაზე მეტად მამის მკვლელობის ფაქტი ამტკიცებს. ავტორს მამის მკვლელობა არც თავიდან, არც მეორე წიგნის დასასრულს განზრახული არ ქონდა, თორემ ის იმაზე ძალიან დიდ ამბავს დაატრიალებდა. კონფლიქტს მამა-შვილს შორის თავიდანვე წამოიყვანდა და ბოლოს სიკვდილით დაამთავრებდა. ახლა კი ასე არ არის, ამიტომ მამის მკვლელობა დამაჯერებელ შთაბეჭდილებას ვერ სტოვებს...“

ეს სერიოზული შენიშვნა იყო, ამიტომ გვერდს ვერ აუვლიდა ამას კ. გამსახურდია და თავის გამოსვლაში განუმარტავს:

„ნუთუ მე ისეთ შლეგი ვარ, საქართველოს



შეაქცია. სხვებმაც არ მიიღეს. დედამ გამოაგდო. ბოლოს თავი ჩამოიხრჩო“.

ამ ჩანაწერის ავტორის მიერ ისეთი შენიშვნის მიცემა კ. გამსახურდიასათვის სრულიად ბუნებრივია...

განხილვაზე გამოსულ კონსტანტინე გამსა-



კომკავშირის ორგანიზაციაში ათი ათასი კაცია გაერთიანებული და არზაყანი მამის მკვლელად გამოცხადდა. ნუთუ მე იმისთანა შლეგი ვარ, რომ ამით ქართველ კომკავშირლებს ვეუბნები – თქვენ ისეთი საზიზღრები ხართ, თქვენც ამას მიზაძეთო და სხვა...

როდესაც „მთვარის მოტაცებას“ ვწერდი, რომელიც დაიწყო 26 წელს და 31-მდე განუწყვეტლად ვაგრძელებდი ისტორიულ-ეთნოგრაფიულ ინვენტარს, მხოლოდ 1931-დან ვიმოგზაურე აფხაზეთში, აი, ამ მოგზაურობის დროს ენაზე, რომ ერთი მშვენიერი თეთრწვერა კაცი ინვაურემზე და მოყვებოდა ერთი ახალგაზრდა კაცი: „ვკითხე ვინ მოჰყვარებოდა ეს კაცი? მიპასუხა – შვილმა მოჰყვარა. იმ მომენტში ჩემს თავში იკვანძებოდა ნასკვი და ამან მიზიძგა კიდევაც“...

ასეთი განმარტების დამაჯერებლობისა რა მოგახსენოთ, მაგრამ ჩანს, თავად მიხეილ ჯავახიშვილის მიერ ამ საკითხის დასმა სპონტანურად არ მომხდარა; მას ამ თემაზე (შვილის მიერ მამის მოკვლა) ადრეც უფიქრია...

1925 წელს მ. ჯავახიშვილს ბლოკნოტში ასეთი „თემა“ ჩაუწიწავს:

„თემა: შვილი კომკავშირელი. მამა მორწმუნე, ტრადიციის კაცი. შვილმა სამხედრო ტაძრის ეზოში ქართველი პატრიოტების საფლავები გაასწორა. ეკლესიას ჯვარი მოხსნა. ჩამოვარდა. ანაფორა ჩაიცვა და ანტირელიგიურ პროცესიაში დადიოდა, როგორც მასხარა.“

ავგისტოს აჯანყებაში თოფით ებრძოდა. კათალიკოზის გასამართლების დროს ნაძალადევი დადიოდა და დახვრეტას მოითხოვდა. ამ ნიადაგზე ოჯახში შხამი დაგუბდა. მამამ გააცდო. მამა ჩეკაში დააბეზლა. დაიჭირეს. შვილი გასალახანდა. გამოვიდა. რუსმა საყვარელმაც ზურგი

ხურდიას ესეც უთქვამს: „არზაყანის ხასიათში მე მაქვს გადაჭარბება, რომელსაც, თუ მოვახერხებ, გამოვასწორებ შემდეგ გამოცემებში“...

მოგვხსენებთ, შემდეგ გამოცემაში ეს ეპიზოდი ამოღებულია: კაც ზეამბაიას ტარებები კლავენ...

მოგვიანებით, კ. გამსახურდიას შემოქმედების მკვლევარები ამტკიცებდნენ, რომ კომუნისტი შვილის მიერ მამის მკვლელობა მწერალს საბჭოთა ცენზურამ შეაცვლევინაო (კომუნისტს ასეთი რამ როგორ შეიძლება ჩაედინაო)... და ანალოგიისათვის ლ. ქიჩელის „ჰაკი აძბას“ ასახელებენ...

უფრო დამაჯერებლად მიგვაჩნია ის აზრი, რომ კ. გამსახურდიამ მ. ჯავახიშვილის არგუმენტირებულ შენიშვნას გაუწია ანგარიში...

საზოგადოებრივი სიდიდისა...

მიხეილ ჯავახიშვილის ჩანაწერები („უბის წიგნიდან – 1924-1935“, თბილისი, 2005 წ.) მრავალმხრივ საინტერესო წიგნია. ამის თაობაზე თქმულა და ითქმება კიდევ.

ჩვენ ამ ჩანაწერებიდან ამჯერად ერთ საკითხს მივაქცევთ ყურადღებას – მწერლის დამოკიდებულებას თავისი კოლეგებისადმი.

ამ თვალსაზრისით განსაკუთრებით შთაბეჭდავად გამოიყურება გრიგოლ რობაქიძესთან ურთიერთობა.

ასეა: ჩანაწერებში ქართველ მწერალთაგან ყველაზე ხშირად სწორედ გრიგოლ რობაქიძეს მოიხსენიებს; მასთან ახლო ურთიერთობაზე მინიშნებს.

არის ასეთი ჩანაწერები: „ჩემი წიგნები აქვს რობაქიძეს“...

„გლეხური სახელების სია. იხ. „წიგნებში“ გრ. რობაქიძის წერილი“ და სხვა...

ჩვენი განსაკუთრებული ყურადღება მიექცია იმ ჩანაწერებში, რომლებშიც მ. ჯავახიშვილი ეტოქება, „ეჯიბრება“, ეტოლება გრიგოლ რობაქიძეს:

„რობაქიძე ევროპიდან გამარჯვებული მოდის საქართველოში: მე აქედან მივდივარ ევროპაში გამარჯვებული“.

„ორი ჯურის მწერალია, ერთი სიკვდილის შემდეგ იზრდება, მეორე – კლებულობს, მე პირველს ვეკუთვნი, რობაქიძე – მეორეს“.

„ამბობენ, რობაქიძე დიდი სტილისტიაო, და ამავე დროს სტენდალის ნათქვამსაც იზიარებენ: „საუკეთესო სტილი ის არის, რომელსაც ვერ ამჩნევდით“. რობაქიძის სტილი კი მკითხველს თვეზის ძვალივით აქვს სულში გახრული“.

„გრიგოლ რობაქიძის ფრაზა ხატოვანია, სავსე, მძიმე, მეტისმეტად მძიმე, ტემპი ფიცხი, ზოგჯერ გაჭიმული, სტილი მედიდური, ზავთური, მძიმედ დატვირთული, ალაგ-ალაგ არქაისტური. „სიმართლე უძნელესი რამ არისო“ – ამბობს თვითონაც, მაგრამ მისთვის ვერ მიუღწევია“...

„გვარეულობის კულტს – „არჩიბალდ მეკეშს“ უნდა დაუპირისპირდეს შრომის, ენერგიის კულტი. „ჯავახში“ აინეროს ასეთი პარვენიუ, ამერიკული ტიპი: რიზა ხანი, მუსოლინი, ლენინი, ედისონი და სხვ.“

„პრობლემა: ნაკლია თუ სიკეთე ჩვენი ქედფიცხოება? ნაკლია. რობაქიძის და სხვებს კი რაინდობად მიაჩნიათ“.

„გრიგოლ რობაქიძის ჩანგს ერთი სიმი აბია“. რა ფიქრს აჩენს ეს ჩანაწერები?

ფაქტია, მიხეილ ჯავახიშვილი აფასებს და პატივს სცემს გრიგოლ რობაქიძეს; იგი მიაჩნია იმხანად ერთადერთ მწერლად, ვისთანაც შედარება – შეჯიბრება შეიძლება... ვისაც იმდროისათვის მიიჩნევს ყველაზე დიდ და ზუსტ საზომად საკუთარი სიდიდისა; მასთან შეიძლება პაექრობა;

მ. ჯავახიშვილისათვის გრ. რობაქიძესთან მეტოქეობა ლისრეული საქმეა.

ასეთი მეტოქეობა, ასეთი დახასიათება კოლეგისა საკუთარი თავისადმი შეძახილსაც ჰგავს: აბა, შენ იცი, უნდა აჯობო სხვას (ეთქვათ, გრ. რობაქიძეს)...

ეს იმას ჰგავს, კონსტანტინე გამსახურდია რომ ამხნევებდა საკუთარ თავს, არ გაჯობო დიდი მდინარეების ნაპირზე დაბადებულებმაო...

საკუთარ უპირატესობაზე საუბარი მ. ჯავახიშვილის მიერ არ არის თანამოკალმის დამცირება; პირობით მისი სიდიდის აღიარებაა, მისი დაფასება...

გრიგოლ რობაქიძესთან მიხეილ ჯავახიშვილის დამოკიდებულებამ ერთ ფიქრსაც მისცა გასაქანი:

მ. ჯავახიშვილს აქვს რამდენიმე ჩანაწერი იმერეთისა და იმერლების თემაზე. ვთქვათ, ასეთი:

„იმერლები ბრწყინვალენი არიან, მაგრამ სიღრმე აკლიათ“ და მითანანი“...

ხომ არ არის მსგავსი ჩანაწერები „რობაქიძის ციკლიდან“...

წინასწარმეტყველება თუ ლოგიკური დასკვნა?

ისევე მიხეილ ჯავახიშვილის ჩანაწერებიდან („უბის წიგნიდან. 1924-1935“):

მწერალს 1931-1932 წლებით დათარიღებულ ბლოკნოტში ჩაუწერია: „მწერალთა სახლში ორი

მამულიშვილის სურათი ეკიდა. ერთი მათგანი – დ. ყიფიანი – რუსებმა მოჰკლეს, მეორეს კი – დიდ ილიას – ქართველებმა გაუზვიადეს მუბლი. ბოლშევიკებს ძილს უფრთხოვდათ. ყიფიანის სურათი ქურდულად გააპარეს, ილიას კი ჯერ ერიდებოდნენ, მაგრამ მისი დროც დადგება“...

ჩვენს ახალგაზრდობაში მწერალთა სახლის ცნობილ დარბაზში ერთ მხარეს ილიას სურათი ეკიდა და მეორე მხარეს – აკაკისა (დ. ყიფიანი აკაკი წერეთლით ჩაუნაცვლებია ვილაცას)...

აკი იწინასწარმეტყველა მიხეილ ჯავახიშვილმა: „მისი (ილიასი) დროც დადგებაო“... დამდგარა კიდევ და ილიას აკაკიც მიაყოლეს...

როცა იკითხეს, სად წავიდა სურათებიო, „გულწრფელად“ განუმარტეს ცნობისმოყვარეს: სურათები მწერალთა სახლის მუზეუმში გადაიტანეთ, იქ უფრო უსაფრთხოდ იქნებაო...

არა, არ უხეშობია, სერიოზული სახით უთქვამს მოპასუხეს...

ამბავს ამბავი მიება:

განათლების სამინისტროს შესასვლელში, ფოიეში, ილია ჭავჭავაძისა და იაკობ გოგებაშვილის სურათები ეკიდა...

ერთხელაც იაკობი ცალად დაგვხვდა და ერთ-ერთმა ჩვენგანმა განათლების იმჟამინდელ მინისტრს (ა. ჯეჯელავას) ჰკითხა შესვედრაზე, სად წავიდაო ილიას სურათი...

მინისტრმა გაიცინა და თქვა, ძალიან მიყვარს ილია ჭავჭავაძე და ჩემს კაბინეტში გადავიტანო (?!)...

კარგა ხანს ეკიდა იაკობის სურათი ეულად... მერე ისიც გაქრა... ახლა იმდროინდელ მინისტრს (მ. ჩხენკელს) ვკითხეთ, რა ხდებაო...

გაიკვია: რემონტის დროს ჩამოხსნეს და... თურმე ველარ მოიძიეს მერე...

რა ხდება? მიხეილ ჯავახიშვილის წინასწარმეტყველებას რა საფუძველი ჰქონდა? ვინ და რატომ ებრძვის მამულიშვილთა სურათებს?

ამ კითხვამ ილია ჭავჭავაძის შეგონება გაგვახსენა, ილია დავით აღმაშენებელზე საუბრობდა:

„ჩვენთვის, ადამიანებისათვის, საჭიროა იმისთანა კაცი, რომ მის მიხედვით და მისი მაგალითით შევიძლოთ საკუთარი ხასიათის განვრთნა და განმტკიცება. ო, რა ბედნიერია იგი, ვინც არამც თუ ჩვენთან ყოფნით გვრწმუნის ჩვენ, არამედ თავისი სახელის სხენებითაცო“.

სურათი გახსენება მამულიშვილისა; ხსენება მათი სახელების... ჰოდა, არის კი საჭირო ახლა ჩვენი „ხასიათისა და სულის განვრთნა და განმტკიცება“?

არაო, – ასე ფიქრობს ის, ვინც ებრძვის მამულიშვილთა სურათებს... ვინც არ უდგამს ძეგლს იაკობ გოგებაშვილს... ვინც... ვინც... ვინც...

მიხეილ ჯავახიშვილს ლოგიკური დასკვნა გაუკეთებია...

ქართული „ენამახვილობა“?

მიხეილ ჯავახიშვილი დემნა შენგელაიას „ბათა ქეჩიას“ შესახებ წერს:

„სხვადასხვა ეპიზოდები დემნას მართლა შესანიშნავად, მშვენივრად, მოხდენილად აქვს დაწერილი.“

აი, მაგალითად: ბათას რომ ისტუმრებენ ტფილისში, ბათას მაქანკლები რომ დასდევენ და თავის დახრჩობა რომ უნდა. ბათას და დანეილიას საუბარი. **ორივემ იცის, რომ ერთმანეთს ატყუებენ, და მაინც ატყუებენ. ფრანგები ამბავ ამბობენ („ესპრი ფრანსე“). ფრანგული ენამახვილობააო და ბათას შესახებაც შეიძლება ითქვას, რომ მას მეგრული ენამახვილობა აქვს (ესპრი მეგრულიე).“**

ჩვენ კი ის გვინდა ვთქვათ, ქართულია ეს „ენამახვილობა“, ზოგადქართული:

ლუარსაბი დარეჯანს თავისი „გმირობის“ ამბავს უყვება:

„ხომ გასსოვს ის იმერელი? აი რომ მოვიდა, დადიანის „პოვერნია“ ვარო? „პოვერნია“ კი არა, – შენც არ მამიკვედ – ის ძალად გამოგზავნეს, იმერლებმა. აბა ნადიო, კახეთში ერთი დევი კაცი არისო, ლუარსაბ თათქარიძე, ოლონდ ის კი დაგვითვრეო და ნახევარ იმერეთს შენ მოგცემო. ეხლა იმან მე რომ დამინახა, მაშინვე მიხვდა, რა კაციცა ვარ, იმიტომ „პოვერნიაო“ დარიქვა, სახელი არ ნამიხდესო: კვებნაში კი ნუ ჩამომართმევ და ჩემი სახელი სათათრემდინ არის გავარდნილი, იმერეთშიაც მისულა ჩემი ქება. მაგრამ აი, ამ შენმა უხეირო ლუარსაბმა ასე გაგინადე ის ფხიკიანი იმერელი, რომ, რომ... სულ ჩემი მზე ვაფიცინე. თითონვე თავის პირით მითხრა: ბაყ-ბაყ-დევი ხარო. თითოც მომიკაკვა და ყურში ჩუმად ჩამწურჩულა: სანაძლეო მოიგეო, ნახევარი იმერეთი შენი უნდა იყოსო. რომ მეჩვილა, რასაკვირველია, იმ ნახევარს გამოვიტანდი, მაგრამ ჩვენი მამა-პაპის მამულებიც მამინ ისე ოხრადა გვრჩებოდა და იმე-



ოჯანჯროსილი მეცნიერის საიუბილეო

◀ დასაწყისი გვ. 1,2

შენც გიყვარდა და მეც მიყვარს
სხვაგვარად,
სიყვარული სიყვარულში გამოდგება...
ამ ლექსში გადმოცემულია ის ტრაგიკული
სიტუაცია, როდესაც „ავი ენით შენუხებული,
მყუდროებას მონატრებული“ შივლა გაიქცა
სოფლიდან და სადღაც ხევში დაიწყო მინური
სახლის შენება.

ქართველებს ადამიანების დაფასება არ
გვემუდგება. განსაკუთრებით ფასდება მათი
ღვაწი, ვინც თავის ქვეყანას ემსახურა და
დღესაც ფასდებულია მისი შრომა, მისი დანატო-
ვარი, მისი საქმე. შივლა მოკვდა, მაგრამ მისი
პოეზია სიკვდილის შემდეგაც ცოცხლობდა

და მას აფასებდა როგორც თანამედროვე, ისე
მომავალი თაობა პოეტისა. სახეზეა „სიდიადის
დაუდგმელი ძეგლები“, რასაც სიყვარული
ჰქვია:

„სიყვარული ამაღ მრავლობს,
ლექსი ლექსად შთამომავლობს,
კაცმა კაცის იხაროს...
გაუმარჯოს ძველს და ახალს,
ამ სახლებს და იმ ნასახლარს,
სიდიადის დაუდგმელი ძეგლებო.“

სამცხე-ჯავახეთის სახელმწიფო უნივერ-
სიტეტში ორი ძეგლი დგას: გრიგოლ ხანძ-
თელისა და ივანე ჯავახიშვილის. ვფიქრობთ,
არაიან ადამიანები, რომელთა ძეგლებიც დაამშ-
ვენებდნენ ჩვენი უნივერსიტეტის ეზოს. ერთი
მათგანი არის შოთა ლომსაძე. თავის დროზე
იგი დიდი ემოციებით შეხვდა უნივერსიტეტის



ლალა ჯავახიშვილი, იზოლდა ჩხარტიშვილი, შოთა ლომსაძე

შექმნას მესხეთში, ახალციხეში. ყოველთვის
მხარში ედგა ახლად გახსნილ უმაღლეს სას-
წავლებელს, დიდი იმედი ჰქონდა ჩვენი მომ-
ავალი თაობისა, რომელმაც საჭიროა, რომ გან-
საკუთრებით დააფასოს დიდი წინაპრები. ამ
დაფასების კარგი მაგალითი იქნება, სწორედ,
ღვაწდომოსილი მეცნიერის ძეგლის დადგმა
უნივერსიტეტის ეზოში.

ჩემთვის კიდევ უფრო სხვა დატვირთვა
აქვს ბატონ შოთასთან ურთიერთობას, მეგობ-
რობას. მისი გარდაცვალება არ ცვლის გარკ-
ვეულ დამოკიდებულებას. ჩემს სამეცნიერო
თუ საზოგადოებრივ საქმიანობაში ხშირად
მიუფიქრია, რას იტყვოდა ბატონი შოთა იმ ნა-
ბიჯთან დაკავშირებით, რომლის გადადგმა-

საც დავაპირებ ხოლმე. განსაკუთრებით ფასე-
ულია მისი წიგნის „ჩემი სამართალი“ წარწერა,
რომელსაც დიდი ხნის შემდეგ იუბილესთან
დაკავშირებით ვაქვეყნებ:

ძვირად ვრჩე ჩემი
ლიტერატურული მემკვიდრე
შოთა ლომსაძე
ქ. ა. ზ. ზ.



ემირ ბუბუჯანაძე, შოთა ლომსაძე, ფატი ჯაფარიძე, ლეილა ბუბუჯანაძე

რეთი რაღად მინდოდა?

დარეჯანი ამ ამბის მოწმედ
მოჰყავს და „მონმეც“ ინტერე-
სით უსმენს... ცხადია, იცის დარეჯანმა რა სი-
მართლეს არის ის, რა იყო და როგორ, მაგრამ
უსმენს და ეთანხმება...

ბეკინასა და პლატონის საუბარი გახსოვთ
(„სამანიშვილის დედინაცვლიდან“)?

„ღმერთმა იცის და ყველაც ხედავს, რომ არა
გჭირთ-რა: მიწაც საკმაოდ გაქვთ, თუ სხვაზე მე-
ტი არა; წყალიც, სახლიც, კარიც... ტყეც და ვე-
ლიც!... (ეს კი მეტი წამოსცდა ბეკინას – ტყე სრუ-
ლიად არა ჰქონებია). სამწუხარო რა გაქვთ?!“

და ეს ჩვეულებრივი ამბავი იყო. სხვა ეპი-
ზოდში:

როცა შინაურობაშიც ლაპარაკს გააბამდა
ბეკინა თავის გამოუღწეველ სარჩოზე, ღონიერ
ლუკმაზე, მისი ერთადერთი ცოლშვილიანი ვა-
ჟიშვილი პლატონი, თუმცა ტრაბახობდა მიაჩნდა
მოხუცებული მამის ასეთი სიტყვა, მაინც არას
ეუბნებოდა საწინააღმდეგოს. პირველის გამო-
სახებით იტყვოდა ხოლმე.

ჰყვება ტყუილს ბეკინა და იცის, რომ პლა-
ტონმა იცის, რომ ეს ტყუილია. მაინც ჰყვება ბე-
კინა... იცის პლატონმა, რომ ბეკინამ იცის ამ ამ-

ბის „სიმართლისა“ და მაინც ისმენს...

როგორც მიხილ ჯავახიშვილი იტყ-
ვის, ორივემ იცის, რომ ერთმანეთს
ატყუებენ და მაინც ატყუებენ“. თა-
ვისთვის ეტყვის მხოლოდ, „ამაზე-
და გამდლობთ უფალო, ამაზედაც
გამდლობთ უფალო...“

გრიგოლ რობაქიძემ ამგვარ საუ-
ბარს ტყუილს არ ეძახის, ეს „ფანტაზია
თუ ფანტასტიკა“... მიხილ ჯავახიშ-
ვილმა კი ენამახვილობა...

ჰოდა, ასე ვფიქრობთ ჩვენც. ეს
ქართული „ენამახვილობა“, ზოგად-
ქართული...

ხუმრობს გალაკტიონი?

ერთ ჩანაწერში ანა კალანდაძე
ამბობს: სამწუხარო ისაა, რომ გა-
ლაკტიონს პირადად არ ვიცნობდი...
გალაკტიონის გარდაცვალების შემ-
დეგ მას მიუძღვნა დიდებული ლექ-
სი (რომელიც შალვა ნუცუბიძეს ისე
მოსწონებია, რუსულად უთარგმნია



ქართველი მწერლები. 1934 წელი. პარლამენტის ეროვნული ბიბლიოთეკის ფონდიდან

და ხელნაწერი ანასთვის უჩუქებია). აი, ეს ლექსი:

„ლაშაში სული ქარით, ფოთლებით,
თვისი სიმშვიდით და შემფოთებით,
ქლიავისა და ატმის ტოტებით
საგაზაფხულო მინას შორდებ...
და ზამბახები ჩუმი ეტლებით
და ბეთანის ლურჯი იები,
ანგელოსები პერგამენტებით
ღრუბლებსავე მიაცილებენ“...
(ლექსი ხუთსტროფიანია)...

2010 წელს „გალაკტიონოლოგიის“ X ტომში
გამოქვეყნდა გალაკტიონ ტაბიძის უცნაური ჩა-
ნაწერი:

„საკვირველი იყო ის სენსაციები, რომელიც
წინდანი მოუწყვეს ახალგაზრდა მწერალს ანა
კალანდაძეს და ეს მაკვირვებს მით უფრო, რომ
ეს ხდება იმ ქვეყანაში, სადაც იყო ილია, ვაჟა და
სადაც არის გალაკტიონი“

დიახ, უცნაური ჩანაწერია... კარგია, რომ
ეს ჩანაწერი არ გამოაქვეყნეს ანას სიცოცხლე-
ში... მაინც როგორ აღვიქვამთ? სერიოზულად?
ხუმრობდა? თუ რამდენად სერიოზულია ეს,
ამის თაობაზე იქვე გაკეთებული მეორე ჩანაწე-
რი მეტყველებს; დავით კლდიაშვილის შესახებ
წერს გალაკტიონი: „დ. კლდიაშვილი სრულებით
პოპულარული პოეტი არ არის. ერთ-ერთმა მას-
ზე მხოლოდ ის თქვა: – თავადიშვილი იყო, ყმები
ჰყავდა...“

არ არის ეს ოუმორით ნათქვამი, მაგრამ არც
სერიოზულობა... უცნაურია – მხოლოდ აი, ასე
უნდა აღვიქვამთ იქვე გაკეთებული ჩანაწერიც ანა
კალანდაძის შესახებ...

ხოლო, როცა არ „ხუმრობს“ გალაკტიონი,
როცა სერიოზულია, ასე ხედავს დავით კლდიაშ-
ვილს:

„როდესაც ხელთ ვიღებ დავით კლდიაშვი-
ლის წიგნს, არ შეიძლება არ გავიფიქრო: (არ და-
გავიწყდეთ, პირველი ქართველი სახალხო მწერა-
ლი)“... იქვე განაგრძობს, „რომ დავით კლდიაშ-
ვილი არა, დაუხატველი დარჩებოდა მსოფლიო
ლიტერატურაში სოლომონ მორხელაძე, ვერც
ერთი მწერალი ვერ მოისაზრებდა გამოეცაზა
ბეკინა და ერთადერთი მთელ შავიზღვისპირზე
დარისპანი, რომელიც მოგზაურობს თავისი ურ-
ყვეი მიზანით, მოგზაურობს თავისი ლაფჩინებით
და „იმე, იმე“-თი, რომ დავით კლდიაშვილი არა,
დაუხატველი დარჩებოდა კაროჟნა, მშვენიერზე
მშვენიერი კაროჟნა, ნამდვილი სახე რევოლუცი-
ამდელი“... (ჩანაწერი აქ წყდება)...

დავით კლდიაშვილის შესახებ თქმულ უც-
ნაურ „ხუმრობას“ კი აბათილებს ეს ჩანაწერი
დავითის შესახებ, მაგრამ ანა კალანდაძეს რა
ვუყვით?

ეს გენიალური შეფასება დავით კლდიაშვი-
ლისა ანას უცნაური შეფასების ხუმრობად მიჩნე-
ვისთვისაც უნდა გამოვიყენოთ (ანუ: ხუმრობის
ხასიათზე იყო იმ ჩანაწერის გაკეთებისას გალაკ-
ტიონი...).



გალაკტიონი

კახაბერ ჯაყელი

ყოველთა მესხთა მისწრაფება ყოფილიყვნენ „ახალი ტრაპიზონის იმპერიის“, ანუ ბიზანტიის გაგრძელება ქრისტიანული სასულიერო ძეგლების მშენებლობასა და თავად მართლმადიდებლური ქრისტიანობის განმტკიცებაში, იმდენად ძლიერი იყო, რომ მან დაიპყრო არამარტო სამცხე, ჯავახეთი, კოლა, არტაანი და აჭარა – ჭანეთითურთ, კლარჯეთი თუ სპერი, ნიგალის ხევი, შავშეთი თუ ანისის მინები, არამედ სამეზობლო ტერიტორიები. გურიის სამთავროს სამცხე-საათაბაგოსთან მრავალი პოლიტიკური საკითხი აკავშირებდა. ათაბაგმა გურიას ძმობა გამოუცხადა და „მისცა ყვარყვარემ აჭარა და რომელნიმე ჭანეთის ადგილნი გურიელ კახაბერს, რათა მწე ექმნას ერისთავთა ზედა სამცხისა და კლარჯეთისათა. ხოლო გურიელმა კახაბერ სიხარულით მიიღო ქვეყანანი“ – ასე დაიწყო განსაკუთრებული ურთიერთობები მესხთა და გურულთა შორის.

გურიელები ვარდანისძეობას იტყოდნენ. მათი სამთავრო მართლაც მიუვალი და აუღებელი იყო მტერთათვის. ამიტომაც აქ მრავალწარჩინებულს შესთავაზეს თავშესაფარი. ჯერ იყო და დაქცეული ტრაპეზუნის იმპერია დაიძრა გურიისაკენ. 1461 წელს, რაც ოსმალმა დამპყრობელმა იმპერიის მინისტრების ღალატით მიითვისა და უბრძოლველად ჩაიგდო ხელთ ბიზანტიის იმპერიის ბოლო ნაშუსრევი – ტრაპეზუნტი, მრავალი ბერძენი გურიისკენ გამოეშურა. მათ შორის იყო ტრაპეზუნის იმპერატორის ერთ-ერთი შთამომავალი, რომელმაც გურიის სამთავროს შეაფარა თავი.

შემდგომ დაიძრა სამცხე-ჯავახეთში. ოსმალთა მიერ აოხრებულმა სამცხემ წმინდა ხატები გურიას გახიზნა და მესხურმა სულმა გურიამ დაივანა.

საიდანაც თეოლოგიური მსჯელობის შესახებ გამოდიოდა ხმები.

აი გამორჩნდა ათაბაგთა სამკვიდრო, ჯაყელთა ციხე, რომლის წინაც შედგნენ გურული მხედრები და უმაღლეს კოშკზე მოფრიალე სამცხე-საათაბაგოს დროშას მიაქციეს ყურადღება. მესხთა ამირახორმა თავისი ხალხი მიიყვანა გურიის ელჩებს. სამრეკლოდან ზარის ხმა მოესმათ. დედოზარს ჰკრა მნათემ. გუგუნი გაისმა. ახალციხის ციხიდან ცაში არწივი ააფრინეს გურიელის კაცთა საპატივცემოდ



– ჩაიბუზუნა ათაბაგმა, მკერდამდე ჩამოშვებულ წვერზე ხელი ჩამოისვა და მეგობრულად შეხედა ნაკაშიძეს.

ხელმწიფე-ათაბაგო, არ მიწყენთ უთუოდ და კბილი თუ განუხებთ, უმალ დაგეხმარებათ, იმისთანა წამალი ვიცი... – თქვა წამონითლებულმა ნაკაშიძემ.

უკეთუ მკურნალი ხარ, თავადო, მაშინ მოგისმენ, მაგრამ თუ დესპანი ხარ ჩემი მეზობელი მთავრისა, მაშინ საქმეზე დავილაპარაკოთ ჯერ, – თქვა ქაიხოსრომ. ამ დროს კი

თა ათონის მთაზე. ესეც აფიქრებდა დედისიმედს. მანუჩარ ჯაყელი, დედისიმედის მესამე შვილი, დაბადებული იყო პოლიტიკოსად. ის მუდამ ხლართავდა ინტრიგებს სასახლის კარზე. ფარულად გრძნობდა დედისიმედი, რომ მანუჩარი ოცნებობდა ძმების ჯოზნას და ათაბაგთა მალალ ტახტზე დაჯდომას. თავად სამცხე-საათაბაგოს ტახტი რომ ურთულესი იყო და მას სუსტი ვერ შეებდავდა, ესეც კარგად იცოდა დედისიმედ მუხრანბატონმა და ამიტომაც ნერვიულად უყურებდა შვილებს, ფიქრობდა მათზე და ცდილობდა განეჭვრიტა ის ძლიერი და თამამი, უშიშარი და, ამავე დროს, პოლიტიკურად სხარტი ბატონიშვილი, რომელიც ამ ტახტისათვის ყველა ძალას მოიხმობდა, როგორც იტყვიან, მუმლს დაახრჩობდა და მუხას გადაარჩენდა. მაგრამ ვინ? ნეტავ ვინ იქნება ამგვარი ბრძენი, პოლიტიკოსი, მხნე სპასალარი, ორატორი და, რაც მთავარია, ისეთი კაი ყმა, როგორიც იყო თუნდაც ყვარყვარე დიდი, რომელმაც ასი წლისამ ოსმალოები დაამარცხა, მათ არზრუმი წაართვა და ყარსი დახარკა. აი ასეთი შვილი უნდოდა დედისიმედს, რომელიც ეხლა ლახვრად მოევლინებოდა მესხეთის მტრებს.

რაო დეოფალო-დედავ? თქვენ რას ჰბრძანებთ? – დიდი პატივისცემა მეუღლის მიმართ ჩააქსოვა თავის სიტყვებში ქაიხოსრო II ათაბაგმა და სიბრძნითა და სიმკაცრით განთქმულ დედისიმედს შეხედა, რომელსაც თანამედროვენი ხშირად „გლისპ დედისიმედსაც“ უწოდებდნენ.

გიორგი გურიელი არაკანონიერად არის გაძევებული საკუთარი ტახტიდან, დადიანის მიერ, მე ვიცი, ამგვარი ქმედება უფლისაგან დაგმობილია მუდამ. ისიც ვიცი, რაზეც მობრძანდით ახალციხეს, თავადო ნაკაშიძე და, ამიტომაც, ეს ყოველივე ჩვენი საბჭო-საფიხნოს საკამათოა. გთხოვთ გადმოგვეცით უსტარი ვახტანგ გურიელისა და მოვიფიქრებთ!

თამარ ჯაყელი – დედოფალი გურიისა და

მაგრამ ყოველი ერთი ისტორიით დაიწყო!

1583 წელს გიორგი გურიელზე განრისხებულმა დადიანმა გურიის მთავრად დააყენა ვახტანგი. გიორგი გურიელი კი გონიოს ციხეში გამაგრდა და თავის დროს დაელოდა სამთავროს დაბრუნებისათვის. ვახტანგი არ იყო პოლიტიკოსი, მას მშვიდი ცხოვრება სწყუროდა. დადიანმა შეამჩნია, რომ ვახტანგი სანდო და პირიანი კაცი იყო და ამიტომაც ამ მშვიდობაზე შეყვარებულ გურულს სარძლოდ სამცხის საათაბაგოს გამოიწველა ასული, მესხთა ქვეყნის ჭკუადამჯდარი, სულით-ხორცამდე ლოცვას მიღობილი, მშვენიერი ასული გამოუძენა.

ახლად გამთავრებულ ვახტანგს, სამეგრელოს მმართველმა წრებმა ურჩიეს სამცხე-საათაბაგოს მმართველებს დამოყვრობდნენ.

ვახტანგის ელჩობა ახალციხეს მოულოდნელად ესტუმრა. გურულები, როგორც კი მიუახლოვდნენ ფუტყარის ბუდესავით მოფუსფუსე ქალაქს, იმწამსვე ახალციხური ცხოვრების გემო იგრძნეს და სიხარულისაგან უსწრაფესად ამოძრავდნენ.

ახალციხე იმ დროს არა მარტო საქართველოს, არამედ მთელი კავკასიის უდიდესი ქალაქი გახლდათ. მოედინებოდნენ ქარავნები სპარსეთიდან. თვალისმოჭრული სიმშვენიერით ელავდა ახალციხური ქაღალ-ხანჯალი მესხი დიდებულებსა. გურული ელჩები განსაკუთრებით დაიპყრო და დაიუწჯა უმაღლესმა ტაძრებმა ქალაქის ცენტრში. დედა-ციხის ქონგურებიდან ყელმაღალი, ვეებერთელა ეკლესიის გუმბათი გადმოჰყოფებდა ქალაქს, თაღოვანი შენობები მიუთითებდნენ ბოლო სამი საუკუნის მშენებლობის საუცხოო ნიმუშებზე, რომლებიც დიდად დაზიანა თემურლენგის შემოსევებმა. გურულებს ამგვარი სიმდიდრე და მრავალფეროვნება არსად ენახათ, სპარსული ხალიჩების რიგებს რომ ჩაუარეს, სომეხი ვაჭრებიც შენიშნეს. სომხებს ინდური ბრეშუმი მოჰქონდათ სამყაროს დასალიერიდან. არ უყვარდათ გურულ ელჩებს ვაჭრები და მათ დანახვაზე გვარიანად წამოიხილდნენ. მიათვალეირ-მოათვალეირეს ბაზრები და უმაღ ჯაყელების ციხისაკენ აიღეს გზი.

ახალციხის რაბათში სიმშვიდესა და დარბაისლობას ეპოვა თავისი სამკვიდრებელი. გურულებს ძალიან მოეწონათ მესხთა საზოგადო დაფიქრებულობა და განსჯის სიღრმე. მეცნიერება, რწმენა, პოეზია, ფილოსოფია – აი რა აინტერესებდა იმ დროის მესხს. გურულებმა ახალციხის სემინარიას ჰკიდეს თვალ,

და კარები განახვნეს.

ბალახისფერ საბრძოლო სამოსში გამოწყობილი დახვდათ გურულებს სამცხის ათაბაგის გვარდია. ხელთ შუბ-ნაჯახნი ეყვრათ რჩეულისანებს. ქაიხოსრო ათაბაგის გვარდიის სარდალი ფრიდონ კოპაძე მიესალმა გურულებს, ისინიც მხარზე ეამბორონენ მესხთა სარდალს და ჯაყელთა ციხის მიღმა მდგარ ჩუქურთმებით მორთულ სასახლის დიდ აივანზე გამოფენილ სამცხე-საათაბაგოს წარჩინებულებს მოჰკრეს თვალი.

როდესაც გურიელის საგანგებო დესპანი მაჭუტა ნაკაშიძე სასახლის მისაღებ დარბაზში აღმოჩნდა, მის წინ, ვრცელი დერეფნის ბოლოში, სამცხის ათაბაგთა ტახტზე მჯდომი იხილა ათაბაგი ქაიხოსრო II ჯაყელი, მისი თანამეცხედრე დეოფალი – დედისიმედ მუხრანბატონი და მათ გარშემო აღმართული სამთავროს ბატონიშვილი: ყვარყვარე, მზეჭაბუკ, მანუჩარ, თუღაშუენიერ, ივანე, ელენე და თამარ ჯაყელები.

თავად სამცხის ათაბაგების ტახტით დაინტერესდა თავადი ნაკაშიძე, როგორც ადრე გაეგონა, იმგვარადვე შენიშნა. ათაბაგების ტახტი სხვა ტახტებისაგან იმით განსხვავდებოდა, რომ იგი საკმაოდ განიერი იყო და საზურგეზე ათაბაგების ჰერალდიკა ამშვენებდა. ტახტი ეგრეთ წოდებული მამლოებით გამოირჩეოდა. მასზე ასახული ორი გამოშვერილი ბუნი სწორედ იმას მიუთითებდა, რომ ტახტი ფალოსიანი იყო. „დედალი ვერ დაჯდება სამცხის ტახტზე, უთუოდ სხვაზე აღმატებული პატრონი, სიბრძნით, სიმხნით, სიმკაცრითა და სიჩაუქით დაჯდება ამ უძველეს საბრძანებელზე“ – ამბობდნენ მოყმენი.

თავადო, წარსდექით სამცხის ათაბაგის წინაშე და მოახსენეთ თქვენი მობრძანების მთავარი მიზეზი! – თქვა წითელწვერა მესტუმრეთუხუცესმა სულა ლასურისძემ, რომლის საგვარეულო თითქმის სამასი წელი ერთგულად ემსახურებოდა ჯაყელებს და რომელთა საგვარეულო საძვალე, საფარაში, ათაბაგების სამარადისო განსასვენებლის გვერდით იყო განთავსებული.

მოგვალმები ხელმწიფე – ათაბაგო, სამცხისა და ჯავახეთისა, შავშეთისა და კლარჯეთისა, კოლასა და არტაანისა, ჰერცოგო ქარციხისა და მოქალაქე ახალციხისა – დაიწყა მისალმება მაჭუტა ნაკაშიძემ, მაგრამ ქაიხოსრო ათაბაგს, რომელსაც კბილის ტკივილით გამოწვეული შუბლის ტეხვა აწუხებდა, როგორც ჩანს, კონვულსივება გადაუარა სახეზე და ამაწ უეცრად შეაყოვნა სხარტი გურული და „დაინდო“ ათაბაგი მისი ტიტულების ჩამოთვლისაგან.

გადავიდეთ საქმეზე, თავადო!, მომიტანეთ ჩემი მალამო, მოიყვანეთ თაყაი ჩემთან

თაყა მკურნალმა, ათაბაგს მალამოთი სავსე თასი მოართვა, ხელთ ფუნჯი იპყრო და ცალ მუხლზე დაჩოქილმა კბილებზე მალამოს წასმა დაუპირა ქაიხოსროს.

ვისაუბრებ მეერ? იკითხა ქაიხოსრომ. პასუხად რაღაც ჩაილაპარაკა თაყა მკურნალმა და ათაბაგმა მკურნალს ნება მისცა, ემოქმედა, მაგრამ ისე რომ გურულების დელეგაცია არ გამორჩენოდა ყურადღებიდან.

ხელმწიფე ათაბაგო, სამცხე-საათაბაგოს მოვედით მე, თავადი მაჭუტა ნაკაშიძე და ჩემი მხლებელი, გურიის მთავრის – ვახტანგ გურიელის ბრძანებით, რომ....

როგორ, გიორგი გურიელი აღარაა ტახტზე გურიისა? – იკითხა ქაიხოსრომ გაკვირვებულმა და ნაკაშიძეს გადმოხედა.

ნაკაშიძემ კარგად იცოდა თუ როგორი მსტოვრები ჰყავდა ქაიხოსრო ათაბაგს გურიასა და მთელს საქართველოში, მაგრამ ასრე უპასუხა მასპინძელს:

„უკვე ორი თვეა, გურიას ჰყავს ვახტანგ გურიელი, მთავარი გურიისა, აჭარისა და ჭანეთისა, ჩემი ბატონო.“

სადაა ჩემი ძველი დოსტი, გიორგი გურიელი ამჟამად? – იკითხა ათაბაგმა.

მას შემდეგ რაც მუხრანის ბრძოლაში, დიდმა სიმონ მეფემ, დაამარცხა ოსმალთა ჯარი და ამ ჯარში, ოსმალთა მხარეს მეგრძონი გიორგი გურიელი, იგი უმაღლე ტახტიდან იქნა მოცილებული – გადახედა თავის ელჩებს ნაკაშიძემ.

ყაბულს ვარ, მაგრამ სად არის ეხლა გიორგი გურიელი, თუ ივით?

არ ვიცი ათაბაგო, მაგრამ ამბობენ, რომ გონიოს ციხეშია შეხიზნული.

შავეში გამოწყობილი, დედისიმედ მუხრანბატონი, დეოფალი სამცხისა, გაუწმრევლად იჯდა. ეს მკაცრი და, ამავე დროს, მშვენიერი ქალი მდუმარე იყო, მაგრამ სინამდვილეში საგონებელში გახლდათ ჩავარდნილი. მას, განთლებითა და გონებით გამოჩრეულ მუხრანბატონს, საფიქრალად ჰქონდა ბედი თავისი შვილებისა, ბედი ქმრისა და მომავალი მესხეთისა.

სულ მალე თვალმშვენიერი უზბეკებთან საომრად მიდიოდა ირანს. თვალმშვენიერს დიდ სამხედრო დიდებას უქადაა ოზბეგთა ტომების დაბატონება და მათგან დიდი ალაფის აღება. მაგრამ, ვინ იცის, დაბრუნდებოდა კი 16 წლის თვალმშვენიერი მცირე აზიიდან? უფროსი შვილი, ფიზიკური ძალითა და მართლმადებლობით განთქმული ყვარყვარე, დედის საიმაყე იყო. დედისიმედის აზრით, სწორედ მისი ტახტზე დასმა და მმართველობა გამოადგებოდა ქვეყანას. მზეჭაბუკი კი უფრო სასულიერო ცხოვრებისაკენ იხრებოდა. მას, როგორც ამბობდნენ, ბერად უნდოდა აღკვე-

– მკაცრად თქვა დედისიმედ მუხრანბატონმა, რომლის წინაც მესტუმრეთუხუცესმა დადო მაჭუტა ნაკაშიძეს მიერ ჩამოტანილი გრაგნილი გურიელისა.

დღესვე განვიხილოთ თუ რას იწერება გურიის მთავარი, თქვა ტახტიდან წამომდგარმა ქაიხოსრო ათაბაგმა და გურულებისათვის საგანგებოდ გაშლილ სუფრაზე შეუძღვა იგი მეზობელი სამთავროს ელჩს.

იმ საღამოს ქაიხოსრო ათაბაგი და მისი თანამეცხედრე დედისიმედ მუხრანბატონი საფარაში აბრძანდნენ და ბექას სასახლეში იბჭვეს მიმდგომებთან და მოკიდულებთან ერთად. ჯაყელებთან ერთად ამ ბჭობას შალიკაშილები, ლასურისძეები, თავდგირიძეები და კოპასძეებიც ესწრებოდნენ. მრავალი მწვავე საკითხი იყო განსახილველი. ირანი იძლეოდა ჯარს მომდგარი ოსმალების გასაგდებად. ოსმალებიც იძლეოდა ლაშქარს ირანის დასაფრენად. მაგრამ, როგორც ოსმალნი, ისე ირანელი მესხეთის გავლით ქართლში გადასვლას ლამობდნენ. ქართლი, კახეთი და იმერეთი ემზადებოდნენ მესხეთის დასაპყრობად. ათაბაგების მამულში მსტოვრები დაიარებოდნენ და ჯაყელთა გადაადგილების მიმართულებებს სწავლობდნენ. რამდენიმე ფარული ბარათი იქნა წაკითხული მსტოვრების მიმოწერისაგან და გაირკვა, რომ დიდ აჯანყებას ამზადებდნენ მესხეთში ოსმალები და მათ მრავალი მომხრე ჰყავდათ.

პირველი საკითხით დაიწყო, – თქვა გურულებთან ქეიფით შეზარხოშებულმა ქაიხოსრო II ათაბაგმა და ვახტანგ გურიელის უსტარი გადაიკითხა.

მე კი ვიცი, რაც უნდა, მაგრამ, კერძოდ, რას იწერება გურიელი? – იკითხა დედისიმედ დეოფალმა, მისთვის დამახასიათებელი შთაბეჭქდავი ხმის ტემპრით, რომელიც ყრუსაც გამოაფხიზლებდა და დააფიქრებდა.

ჩვენი ქალის, ელენეს ხელს ითხოვს – ბრძანა საათაბაგოს ტახტის მემკვიდრემ, სპილოსავით დიდმა, ჰაეროვანმა, თეთრონივით ქათქათა ღანჯებისა და ლამაზი ტურჩების მქონე, ყვარყვარე III ჯაყელმა.

ვინ არის ვახტანგი? არის კი ნაღდი გურიელი? – იკითხა შავწვერიანმა ვარაზა შალიკაშვილმა, რომელსაც ფირფის თველით შემკული ბიზანტიური სამოსი ეცვა, თითებზე ლალითა და აღმასით შემკული ბეჭდები ეკეთა და საგვარეულო სახლის შავ-მოლურჯო კვერთხს ეგრდობოდა.

დადიანმა მოძებნა ეს კაცი, სწორედ მან აძგერა ლახვარი გიორგი გურიელს იმ ბრძოლაში, როცა გვერდზე ახლდა მას აქ რომი,



← ის თავადი — მაჭუტა ნაკაშიძე. გურიელის მოკვლას ლამობდნენ, მაგრამ გაასწრო გიორგის ცხენმა ნასროლ პოროლს და გადარჩა გიორგი, რომელიც ეხლა უკვე კონსტანტინოპოლშია — თქვა მანუჩარ ჯაყელმა.

გიორგი გურიელს შეეშალა, იმიტომაცაა ეხლა დევნილი. მუხრანის ბრძოლაში არ უნდა ნაპყლოდა ოსმალებს, არ ეგების მთავართ ოსმალებთან ლიცლიცი, — თქვა მზეჭაბუკმა.

ძლიერი მოკავშირეები გვჭირდება. იმათ უნდა მივათხოვოთ ჩვენი ასულები, ჩემო პატრონო. ელენეს გათხოვება არ შეიძლება, ავადაა. თამარი შვერთით ამ გურიელს — მკაცრად თქვა დედისიმედ მუხრანბატონმა.

ჩვენი მლოცველი და მარხულობით განთქმული თამარი, მონაზვნობაზე ფიქრობს — ჩაილაპარაკა მზეჭაბუკმა და დედას მიაპყრო დამძიმებული მზერა.

ისიც გვეყოფა, შენ რომ აპირებ ბერის ჩოხით საკუთარი თავის შემოსვას, შვილო — თქვა მკაცრად დედისიმედმა...

სულ მალე ვახტანგ გურიელმა ცხენი შეკაზმა, მაყრიონი მოამზადა და 600 კაცით გურიიდან ახალციხეში გადმოვიდა. მესხური მრავალუამიერი გაისმა ქალაქის ქონგურებიდან. მაღალი ცა დაჰყურებდა სამცხე-საათაბაგოს დედაქალაქს. მამხალეებით ხელში მოიღონდნენ გურიელი მხედრები. თითოეულს ცხენი ვერცხლის აღკაზმულობით ჰყავდა მორთული. შესანიშნავი სანახაობით ტკებოდნენ თამარ ჯაყელის მშობლები, დედამამიშვილები, ნათესავები, ახალციხის მკვიდრნი და მილეთის ხალხი.

დაახვეთ კარნი — ბრძანა მესტუმრეთუხუცესმა ლასურისძემ. ქალაქის რვავე კარი დახშული იქნა.

ეხლა მიდი გურიელო და ნაიყვანე შენი

შავი თმები აიტალლა და გურულები „გადა-რია“.

ბიჭოს, აქ რა ხდება? პატარაძალია ნამდვილად! — შესძახა ვახტანგ გურიელმა და გააჭენა ცხენი თამარისაკენ.

ვახტანგ გურიელისა და თამარ ჯაყელის ქორწინებას სულ მალე ოსმალთა გაუგონარი ძალის თარეში მოჰყვა საქართველოში. აკინჩებითა და იანჩარებით გაძლიერებულმა თურქთა საომარმა ძალამ აიღო არტანუჯი, ოლთისი და სამცხისაკენ გამოემართა. ქაიხოსრო ათაბაგმა ვერ შეძლო ველზე ოსმალთა შეკავება, დედისიმედ მუხრანბატონმა ოჯახი გახიზნა და თავად შვილიშვილებით მუხრანში დაბრუნდა!

ქვეყანა ომის ალმა მოიცვა. ყვარყვარე მესამე ჯაყელი ოქროს ციხეში შედგა სამასი აზნაურით და მამამისის ბრძანებების შესრულებას შეუდგა. ამ დროს ქაიხოსრო ათაბაგი ურაველზე დაბანაკებულ ოსმალთა, აკინჩების ცხენოსან ჯარს, თავს დაესხა და მტრის ჯარი მართალია დაავერანა, მაგრამ დიდი დანაკლისიც ჰპოვა. ოსმალთა თოფებს ვერ დაუდგა წინ ახალციხური ჯაჭვი. ურაველის მინდორი მოფენილი იყო ოსმალთა დახოცილი ცხენებით. ამან მეჰმედ ფაშა გააგულისა და ტყეების გადაწვა ბრძანა.

თურქები, როგორც ყოველთვის, საგანძურის ძიებას ეშურებდნენ და ამიტომაც ისინი რაზმებად დაიყვნენ და ცნობილი მონასტრებისკენ, დაგეშილი ტურებივით გაჭენდნენ.

ქობლიანის წყლის ხეობაში მიმავალი ოსმალთა ცხენოსანი ჯარი ნისლში გაეხვია. ისინი ხელისცეცებით მიიკვლევდნენ გზას და ყოველ წამს გურჯების თავდასხმას მოელოდნენ, მაგრამ უცებ ნისლი გაიფანტა და

მოვარდნილმა ბერებმა ოსმალთა ლაშქარი, რომ იხილეს, ხელი კირითხუროთა იარაღებს, ნალდებს, ნაჯახებს, თოხებსა და ცულებს ჰკიდეს. მონასტრის წინამძღვარი, 80 წლის სერაფიონი წარსულში ცნობილი რაინდი იყო. წინამძღვარმა უეცრად შეჭურვა ბერები და შემოსეულ ოსმალებს თავად შეუტია. იატაკანები გადაეჭდნენ თოხებსა და ნიჩბებს, ოსმალთა ალებარდებმა იწვნიეს სასულიერო კაცთა მოქნიული ნაღდები და ნაჯახები. სამკვდრო-სასიცოცხლო ბრძოლა გაჩაღდა მონასტრის ულამაზეს ბაღში. სერაფიონი, როგორც სწევოდა ჭაბუკობაში, ისე გმირულად დატრიალდა ნიჩბით ხელში რომ, მრავალ ოსმალს მოაწყვია ხელ-ფეხი, ან თავი. მშვილდისრებით დაცხრილეს ბერები ოსმალთა მხედრებმა. ბერებმა „მამაო ჩვენო“ დაიძახეს და ერთხმად შეაკვდნენ მტერს. რაც მთავარია, ფერისცვალების სასწაულმოქმედი ზარზმის ხატი არ გაატანეს ოსმალთ, თავადაც ტაძრის მისადგომებში ჩანვნენ. ბერები-საგან შუბგაყრილი და შუაზე გაჩეხილი იანჩარები ტაძრის სიახლოვეს ბლომად ეყარნენ. ოსმალთა ალა ტაძრის წინ უსულოდ ეგდო. მას წინამძღვარმა სერაფიონმა აძგერა საბრძოლოდ შემართული ნიჩაბი. ალამ სიკვდილის წინ გველივით შხამიანი, დაკლაკნილი იატაკანი დაუსვა მონასტრის მამას და მონასტრის წინ უსულოდ ჩაიმუხლა.

სიკვდილს საოცრად გადარჩენილი სერგი ბერი, ოსმალთა ალას ხელში შერჩენილ ტყავის აბგას ართმევდა, რადგანაც ამ აბგაში მას სასწაულმოქმედი ხატი ეგულეობდა, რომლის წასაღებად იყვნენ ოსმალნი მოსული.

მოიქუფრა, განვიძმა, სისხლის გუბები ტბებად იქცა, საოცარი სანახავი იყო ზარზმის ალისფერი მიდამოები.

ბერი უფალს დახმარებას სთხოვდა, და-

ზარზმასთან გურიული ცხენოსნები გამოჩნდნენ, რომელსაც თავად ვახტანგ გურიელი სარდლობდა.

სიამარის დასახმარებლად საჩქაროდ სამცხეში გადმოსული გურიელი, საუკეთესო აზნაურებისაგან შემდგარ ჯარს მოუძღვოდა. მაჭუტა ნაკაშიძე მარჯვენა ფრთაზე ედგა, მარცხენა ფლანგი ივანე გუგუნავასთვის ჰქონდა მინდობილი, აზნაური ბერის — წითლიძის რაზმი ქვაბლიანის ხეობით უტევდა ოსმალებს, ხოლო მაქსიმეიშვილს ფრთოსანი ცხენოსნები მტკვრის ხეობისაკენ დაედრა. ეხლა ზარზმისაკენ თავად ვახტანგ გურიელი მოჯირითობდა და თან მას ას კაცამდე ახლდა.

იცოცხლე ბერო! ჩაიმუხლა გურიის მთავარმა დარქილი ბერის წინაშე და მის სისხლიან ჩოხას ხელი წაატანა.

ხატი, სასწაულმოქმედი ხატი გადარჩინე, მთავარო, ამას გვედრები! — თქვა ბერმა და მთავრის ხელში სული დალია.

გადამწვარი ზარზმის დანახვისას ატირდა გურიის უშიშარი მთავარი, ბერები გავაპატიოსნოთო, — ასე უთხრა მაჭუტა ნაკაშიძეს და ცრემლის დასამალად მუხზარადის ლითამი ჩამოინია.

დაიღუპა ქვეყანა — ამოიკენესა მაჭუტა ნაკაშიძემ და გარდაცვლილი ბერის ხელში ჩაბლუჯებული ტყავის აბგა გახსნა. უეცრად აბგიდან ნათელი ამოვიდა. ლითამიანი მთავარი ამ ნათელმა გააოგნა.

ზარზმის სასწაულმოქმედი ხატია, მაჭუტავ, გადარჩება ქვეყანა ღმერთით — აიტატა ხელში ვახტანგ გურიელმა აბგიდან ამოსვენებული ზარზმის სასწაულმოქმედი ხატება, ჩაიხუტა იგი გულში და მუხლებზე დავარდა.

ოსმალები ისევ მოტრიალდნენ, მეჰმედ ფაშამ ზარზმის ხატის მოტანა ბრძანა. კიდევ

ზარზმის სასწაულომოქმედი ხატის გადარჩენა

საცოლე — ახარხარდნენ ახალციხელები, მაგრამ გურიელი რისი გურიული იყო, იწმასვე ცხენიდან ჩამოხტა და ქალაქის კარიბჭეს მოუახლოვდა, უფალს მადლობა შესწირა და ცალ მუხლზე დარქილმა ქალაქის მაღალ ქონგურებზე შემოწყობილ დამხვედრებს ახედა და ქუდი მოიხადა.

რისთვის ხარ მოსული? — ტრადიციისამებრ იკითხა მესტუმრე ლასურისძემ.

ბატონიშვილი თამარის ხელს ვითხოვ, მე გურიის მთავარი, ვახტანგ! — იყო პასუხი.

გაახვეთ კარიბჭე და მივეგებოთ! — შესძახა სამცხის ათაბაგმა, იმწამსვე გაიღო დიდი კარიბჭე და მესხთა ცხენოსანი რაზმი გაეგება სტუმართა დასს.

ცხენბურთი ვითამაშოთ! — შესძახა საპატარძლოს ძმამ, ცხენოსნობაში განთქმულმა თვალმშვენიერმა ჯაყელმა.

ვითამაშოთ, „აქანა ვართ გურულნი“ — დაიძახა ვახტანგის მაყრის თავკაცმა, მობურთალებში ცნობილმა მაჭუტა ნაკაშიძემ.

თორმეტ-თორმეტი გამოდით და შევერკითო! — ბრძანა მანუჩარ ჯაყელმა და 24 მარდი ცხენოსანი ახალციხის კარიბჭის წინ, ვრცელ მინდორზე განლაგდა, მაშინ ბუკი აღმართა საათაბაგოს უფლისწულთა შორის უფროსმა, ყვარყვარე III ჯაყელმა და როდესაც ბუკის ხმა გაისმა, მხედრებმა დარახტეს ბედაურები ერთამენთის მიმართულებით, განსაკუთრებით მაშინ, როცა გაღავნიდან მცირე ზომის ოქროს ბურთი ჩამოაგდო სამცხის მთავარმა ქაიხოსრომ.

მიდით, არ შვერცხვეთ გურულ მხედრებთან, ვინც „ოქროს ბურთს“ მოიგდებს და რაბათში აიტანს, მისია გამარჯვება, — შესძახა განთქმულმა მხედარმა, დარდიმანდ კოპაძემ და ცხენბურთი დაიწყო.

სილაღითა და სიკისკასით განთქმულმა გურულმა მხედრებმა უმაღ აართვეს „ოქროს ბურთი“ მესხებს, მაგრამ ეხლა თვალმშვენიერი გაგულისდა, მონითალო ბედაური ყალყზე შეაყენა და პირდაპირ იქ ისეუპა, სადაც ოციოდე ცხენ-კაცი ცდილობდა ბურთის დაუფლებას და თითქმის ბრმად ატრიალებდნენ ისინი თავიანთ გრძელ, წითელ ჩოგნებს.

თვალმშვენიერის და მისი წითლოსანის ნახტომმა შეანგრია ცხენ-კაცთა ტევრი და ათაბაგთა ნაშიერმა მოიგდო „ოქროს ბურთი“.

უზბეტთა ქვეყანაში არ ნაიღო ეგ ბურთი, ძმაო, მე დამიტოვე! — შესძახა ერთმა მესხმა მხედარმა და თვალმშვენიერისაკენ გაექანა.

ყოჩაღ თამარ, მამის ცხენზე ამხედრებულმა ჩემი დამარცხებაც შესძელი — გვერდზე გაახტუნა ცხენი თვალმშვენიერმა და მამაკაცურად გადაცმულ საპატარძლოს „ოქროს ბურთი“ დაუთმო.

თამარმა ჩაჩქანი უკან გადაიგდო, მისი



ზარზმის ხატი. 886 წ.

ოსმალონი ზარზმის დიდებული მონასტრის წინ აღმოჩნდნენ. საბედნიეროდ, მნათე ბერმა უმაღ თვალი მოჰკრა შემოსეულ ოსმალებს, ზარს ჩამოჰკრა. მონასტრიდან გა-

ჩოქილი ლოცულობდა, გამოსაცოცხლებლად წვიმის წყალს სვამდა და ხმამაღლა გალობდა. „ღმერთო, დაგვეხმარე, უფალო გადარჩინე შენი საუფლო“, — ამბობდა სერგი, რომ

სამცხის ბრძოლები დროებით დამთავრ-
გაგრძელება გვ.10 ▶

სოსო გიჟოშვილი

**„არ მიბოძლია დაბლა ქვემდრომად,
მაღლა დაფერიანავ, როგორც გავაზი,
ჩემს ტურფა მხარეს მეგრდს დავაბურე
სიტყვა საგმირო, სიტყვა ლამაზი.“**

ყველა დროის დიდი ჰუმანისტის, ვაჟა-ფშაველას გამოჩენა ქართულ მწერლობაში თავისთავად გულისხმობდა ეროვნული ლიტერატურის ახალი საფეხურის დაწყებას: „ალუდა ქეთელაურის,“ „სტუმარ მასპინძლისა“ და სხვა საოცარ თხზულებათა ავტორი შეიქმნა ერთ-ერთი უდიდესი ხელოვანი XIX ს-ის მიწურულისა და XX ს-ის დასაწყისის ქართულ (და არა მარტო ქართულ) სიტყვაკაზმულ მწერლობაში. ვაჟა-ფშაველამ, თავისი მოღვაწეობის ოცდათხუთმეტი წლის განმავლობაში, დაახლოებით ოთხას ორმოცდაათზე მეტი ლირიკული ლექსი დაწერა, რომელთა უმრავლესობა წარმოადგენს პატრიოტული და სოციალური ხასიათის თხზულებებს. თავად პატრიოტული ნაკადის ერთი სოლიდური ნაწილი სოციალური და პოლიტიკური მოვლენების მხატვრულად გააზრებაა. ეს ფაქტი ძირითადად შეინიშნება XX საუკუნის პირველ ათწლეულში დაწერილი ლექსები. ამდენად, ჩვენი შეხედულებით, მსგავსი შინაარსისა თუ იდეური არსის ლექსები შეიძლება მივიჩნიოთ როგორც ე.წ. პოლიტიკური ლირიკის ნიმუშად. ილია ჭავჭავაძესთან, აკაკი წერეთელთან და სხვა „თერგდალეულებთან“ ერთად ვაჟა-ფშაველამ ზემოხსენებულ ათწლეულში შექმნა იმ ეპოქისთვის დამახასიათებელი პოლიტიკური მოვლენების ამსახველი თხზულებები, როგორებიცაა „თხოვნა“, „ყარსის ბოლოს“, „დროება“, „მეომარი“, „ვის ჰქვია კაცი?“ „ძღვენი“,



დაპირისპირებისაკენ უბიძგებდა ჩვენი ქვეყნის სხვადასხვა კუთხეში მცხოვრებ ქართველებს. ვაჟა-ფშაველას ასეთი ტიპის ლექსები მხატვრული ანარეკლია იმდროინდელი ნეგატიური მოვლენების, რომ ხალხში ფართოდ იყო გავრცელებული სხვადასხვა მანკიერებანი. აქვე უნდა ვთქვათ, რომ ამ თვალსაზრისით საყურადღებოა 1886 წელს გამოქვეყნებული ლექსი „სიმღერა“, რომელშიც პოეტი ეკამათება პირადი ინტერესებისთვის მებრძოლ ადამიანებს, რომლებიც ცდილობენ საზოგადოებისთვის საინტერესო პირებად წარმოჩენენ და დაუმსახურებლად მოექცნენ ყურადღების ცენტრში, გახდნენ ხალხის საყვარელი ადამიანები. თუმცა მათ ამისთვის საჭირო მორალური უფლება არ გააჩნდათ და არ შეძლათ კეთილი მსხვერპლის გაღება, მაინც ცდილობდნენ მოეპოვათ ხალხის პატივისცემა და აღიარება. ვაჟა-ფშაველასათვის, როგორც დიდი ხელოვანისათვის, იმთავითვე ცნობილი იყო თუ როგორ რთულ საქმეს ეჭიდებოდა, ამიტომ

**„ღმერთო, მიიღე ვედრება,
ეს ჩემი სათხოვარია,
არ დამეკარგოს გულიდამ
მე შენი სახსოვარია!
გულს ნუ გამიტყვ ტანჯვაში,
მამყოფე შეუდრეკლად,
ფეხიზლობდე, მუდამ მზად ვიყო,
დაჩაგრულების მცველად...“**

ქართველი მკითხველის გულისა და გონებისკენ გაიკვლია გზა ვაჟას მრავალმა პოეტურმა ქმნილებამ, რომლებშიც გაცხადებული იყო დიდი ადამიანისა და მოქალაქის ამაღლებელი გრძნობები, ხალხისათვის მუდამ მზრუნველი შემოქმედის მორალურ-ზნობრივი იდეალები. „ჩემი ვედრების“ ავტორის პიროვნებაში ღრმად იყო დამკვიდრებული სიკეთისათვის, ხალხის კეთილდღეობისათვის იდუმალი ძალა, თხოვნა უზენაესისადმი, რომ მას ყოველთვის შესძლებოდა მოეხადა თავისი ვალი ერისა და ქვეყნის წინაშე:

**„გონებას ფიქრი სტანჯავდეს,
გულს ცეცხლი სწავადეს ძლიერი,
მშობლად-მწყურადეს კეთილი,
ვერ გავძლე, მოვკვდე მშვირი.“**

ვაჟა-ფშაველა სრულიად სამართლიანად მიიჩნევდა, რომ მისი პოეზია (სიტყვა) მხოლოდ სიკეთეს ქადაგებდა: „მე არ უთხარე მოძმესა ორმო, მთხრელი შეგმურე კუპრით და ლაფით“, რომ მისმა სიტყვებმა:

**„უსულო საგნებს სული ჩაუფდგი,
ავასაუბრე ლოდები კლდისა...
მაღლი მფენია მარჯვენაზედა
იმ შემოქმედის, მაღალის ღვთისა!..“**

– მთელი სიდიადით წარმოაჩინა იგი. ცნობილი კრიტიკოსი და ქართული ლიტერატურის დიდი მოამბე აკაკი განაწილია წერდა ვაჟა-ფშაველას შესახებ, რომ **„მისმა**

„კილვაც მიღულ ვაჟასა, მთიური სისხლი მკარდოა!“

„მეგობარს“ და ა.შ. ხსენებულ ლექსებში ნათლად იკვეთება მათი ავტორის პოლიტიკური შეხედულებები, არსებული რეალობის მკვეთრი კრიტიკა. თუმცა, ისიც უნდა ვთქვათ, რომ ვაჟა-ფშაველა ფაქტობრივად, იმეორებს უფროსი თაობის თანამოავალმებობის თემატიკას. მართალია ჭაბუკობისდროინდელ ლექსებში ჯერ კიდევ სრულად არ იყო გაცხადებული მისი პოეტური სიდიადე, რაც სავესებით ლოგიკურია, მაგრამ ისიც ცხადია, რომ ვაჟა-ფშაველა დაბეჯითებით მიისწრაფოდა ახალი მხატვრულ-გამომსახველობითი ფორმების ძიებისაკენ. ახალგაზრდა შემოქმედმა იმთავითვე კარგად იცოდა პოეზიის დანიშნულება, რომ მისი უპირველესი საზრუნავი იყო სამშობლოსა და ერის სამსახური, რომ მწერალი ცხოვრების შუაგულში უნდა ტრიალებდეს, მისი ავ-კარგით ცხოვრობდეს. რეალისტური აღქმა მოვლენებისა გახლავთ ვაჟა-ფშაველას შემოქმედებითი მეთოდის ორიენტირი. ამ თვალსაზრისით იგი ლიტერატურულ-მნიშვნობრულ გავლენაზე უფრო მეტ უპირატესობას ანიჭებდა ხალხურ შემოქმედებას. მწერლის თქმით: „პოეზიას, საზოგადოდ, და უფრო კი ხალხურს, ერთი განსაკუთრებული თვისება აქვს: გამოხატვა, დასურათება თანამედროვე ცხოვრებისა, აწმყოს ჭირ-ვარამისა და ლხინ-გახარებისა. ზოგჯერ პოეზიას ეს თვისება აკლია: იგი თავის საკუთარ თვალთა ხედვას და ყურთა სმენას ახშობს, იმეორებს სხვისგან გაკონიღის, სხვის ჩანაგონარ ჰანგსა...“ დღეს აღარაა სადავო ვაჟას პატრიოტიზმი, რომ ის იყო მუდამ სამშობლოს მოტრფილ პოეტი, ჩაგრულთა მოსარჩლე, თავისი ქვეყნის თავისუფლებისათვის მებრძოლი რაინდი. ასეთია მისი ლირიკა, პოემები, მოთხრობები და პუბლიცისტური წერილები, მაგრამ რაოდენ დასანანია, რომ ვაჟა-ფშაველას ხშირად უხედებოდა თავის დაცვა მისი შემოქმედების არაობიექტური შეფასების გამო. ასეთი უმართებულო, არასაკადრისი ვიკრიტიკა პოეტის ლიტერატურული მემკვიდრეობისადმი უფრო დიდი ილიას სიკვდილის (მკვლელობის) შემდეგ დაიწყო.

ილია ჭავჭავაძე ყოველთვის მაღალი აზრის იყო ვაჟა-ფშაველას შემოქმედებაზე და ყველანაირად ხელს უწყობდა, აქეზებდა ნიჭიერ პოეტს მეტი ენერგია, მეტი ლექსები ჩამოეტანა „ივერიაში“. ილია რომ იმთავითვე ადიდებდა ვაჟას შემოქმედებას, ამაზე მრავალი მისი თანამედროვე მოგვიტორობს, მათ შორის კიტა აბაშიძე, იაკობ მანსვეტაშვილი, გიგა ყიფშიძე და სხვები. თავის მხრივ „კაი ყმის“, ავტორმა კარგად იცოდა ილია ჭავჭავაძის გზით სიარული როდი იყო ადვილი, ვინაიდან იგი დაკავშირებული იყო დიდ თავგანწირვასთან. ეს გზა, მისივე სიტყვებით რომ ვთქვათ, „ნარეკლიანი“ იყო, რომ მასზე „მრავლად ეყარა ეკალი“. სწორედ ასეთ ძნელად საველ, ბარათშვილის გაუკვალავ გზას ირჩევდა მგოსანი სამოღვაწეოდ. ცხოვრების ადვილი გზა უცხო იყო ვაჟას შეუდრეკელი სულისათვის, მისი შინაგანი ბუნებისათვის. ამიტომ იყო, რომ უფალს მესთხოვდა შევლას, მფარველობას, რათა ძნელ გზაზე სიარული შეძლებოდა:

**„ნუ დამსვენებ წურა დროს,
მამყოფე შეძრუნებული,
მხოლოდ მაშინ ვარ ბედნიერი,
როცა ვარ შეწუხებული.“**

მკითხველისათვის საინტერესო აზრის შესაქმნელად საყურადღებო მასალას იძლევა პოეტის ფილოსოფიური აზრის გამომხატველი ლექსი. „დროება“, რომელშიც პრედაპირაა

მხილებული ცხოვრების ავ-კარგი. ახალგაზრდა ვაჟა-ფშაველა უკმაყოფილებას გამოთქვამს დროის „დაუღლეელად“, მაგრამ ფუჭად მდინარეების გამო, დრო, რომელიც ადამიანის ცხოვრებას „დაუდგრომლად“ ატრიალებს. პოეტი, რომანტიკოსთა მსგავსად (თუნდაც ალექსანდრე ჭავჭავაძის), ეკითხება დროის მარადიულ ბრუნვას: „როდემდის უნდა ქვეყნის ბედი ათასფერად სცვალო, – ერთხელ კარგ საქმეს დენა შენი არ ანაცვალო?“ ჩემი თუ არ გჯერა, ეკითხება ისევ დროს: „თუ სარგებლობა კაცს მოუტანე?“ ვაჟა-ფშაველას 1882 წელს დაწერილი აქვს ოთხბედიანი ლექსი „როდის იქნება“. იგი კვლავ მშრომელი კაცის ბედზე დაფიქრებული ოცნებობდა ისეთ დროზე, როცა შესაძლებელი გახდებოდა დაჩაგრულის შემწეობა:

**„როდის იქნება, შრომის შვილსა პირი
მოგზნოთ,
ალარა სწვამდეს ნაკადული ცხელი
ოფლისა,
შეძლოთ იმდენი – დაჩაგრულსა გული
ვუხაროთ...“**

მდაბიოთა და ჩაგრულთა მფარველად გვევლინება ვაჟა-ფშაველა მთელი ცხოვრების განმავლობაში. უბრალო ადამიანების მომავლით დაინტერესება იმთავითვე იყო მისი დიდი მამამეილური ვალის მოხდა. იგი, როგორც დიდი შემოქმედი, გვერდს ვერ უვლიდა ამ მოვალეობას. საზოგადოებას ჭეშმარიტ მწერლობაში ყოველთვის ხიბლავდა მაღალი მორალისა და მოქალაქის პიროვნება. ასევე ერთიანი იყო ვაჟა როგორც მწერალი და მოქალაქე არაერთ ლექსში. მაგალითად, ჭაბუკობის წლებში შექმნილი ლექსი „ვის ჰქვია კაცი?“ „სტრიქონები ავტორის ნიჭიერებასთან ერთად, მის მაღალ ზნეობრივ სისაქტავეზე მიუთითებენ. ლექსში გახმოვანებულ თემას ვაჟა-ფშაველა ბევრგან წარმოაჩენს არაერთ თეორიულ წერილში, მაგალითად იგივე აზრი უფრო გამჟღავნებული აქვს ლირიკულ თხზულებებში, თუნდაც იმავე ლექსში „ვის ჰქვია კაცი?“ „რომელშიც ვკითხულობთ:

**„კაცი მას ჰქვია, ვინაც სიცოცხლე
თვისი დალია მედვარ ბრძოლაში,
როგორც არნივინა ფრთით სცნო სიმძლე,
არ გავრია ყვეთა გროვავი...“**

ეს აზრი, პოეტის მიერ, როგორც აღვნიშნეთ, სხვადასხვა ლირიკულ თხზულებაშია წარმოდგენილი, თუმცა სოციალურ-პოლიტიკური ჟღერადობა მაინც ზემოაღნიშნულ ლექსში განაცხადდა:

**„კაცი მას ჰქვია, ვინცა ძონძები
ტანზე ჩაიცივ და მით ამაყობს,
არ აწიოკა გლეხის ობლები,
დაუშრეტელად სიყვარულს გალობს!“**

„ვის ჰქვია კაცი?“ ვაჟა-ფშაველამ 25 წლის ასაკში დაწერა. სიცოცხლის მიმწუხრს პოეტი ანალოგიური ორი ლექსი კვლავ შეუქმნია, ესენია: „ვინ არის კაცი?“ და „განა კაცია?“ თხზულებაში ავტორი კიცხავს უსწავლელ, ერისა თუ ქვეყნის მოღალატეებს, რომლებმაც თავიანთი ცხოვრება მხოლოდ პირად ინტერესებს გადააყოლეს. ასეთი უზნეო ადამიანები დიდად არცხვენენ საზოგადოებას:

**„გადაამტრებს ერთმანეთს
ქართლსა, იმერეთს, კახეთსა,
საკუთარ ანბანს შეუდგენს
სამეფეოლოს და სვანეთსა.“**

ეს სტრიქონები ცხადად მიუთითებენ ქართველთა საზოგადოებრივ ცხოვრებაში გავრცელებულ ანტიხალხურ, მავნე პოლიტიკურ ტენდენციებზე, რომლებიც კუთხურობისა და

ყოველგვარი მოულოდნელი ბრძოლისთვის გამზადებული იტანდა ცხოვრებისეულ ტკივილებს. რწმენა საკუთარი იდეალების მიმართ მას აძლევდა სულიერ სიმტკიცეს, დაუფარავად, პრედაპირ ეთქვა სათქმელი ხალხისთვის, როგორც თავად შენიშნავდა – „ბოროტებაზე სიკეთის გამარჯვებისათვის“. ასე წელ-წელა იმზადებოდა ახალგაზრდა პოეტი მომავალში მაღალი დანიშნულებისათვის საბრძოლველად. იგი ყოველთვის მიუთითებდა ცხოვრების საბოლოო მიზანზე. მართალია უკუღმართ წუთისოფელში უზნეო ადამიანები უფრო სარგებლობდნენ ცხოვრების სიკეთით, რომ მათ არ აწუხებდათ ხალხის ბედი და მხოლოდ პირადი ინტერესებიდან გამომდინარე აფასებდნენ, მაგრამ ვაჟა-ფშაველა მაინც დაუდობლად ამხელდა „კაი ყმის“ უარყოფილებას. საინტერესოა, რომ პოეტი თავის იდეურ მრწამსს მხოლოდ ლექსების ბოლო ტაგში ამჟღავნებდა, წერდა თუ ვინ იყო დიდების ღირსი, ვის ეკუთვნოდა ხალხისაგან აღიარება და დაფასება. აი რას წერდა პოეტი:

**„ერთი იცინის, სხვა ტირის,
ასეთი არის ქვეყანა,
ვისაც არ მოგწონთ ტირილი,
ის ნუ დაჯდება ჩემთანა,
.....“**

**მაგრამ გავიგებთ ერთილაც,
ვინ ახლო ვსდგებით ღმერთთანა.“**

ანტიხალხური მოვლენებისადმი უარყოფითი დამოკიდებულება გამომჟღავნა ამ სტრიქონების ავტორმა არა მარტო ლექსებში, არამედ მთელი მისი მხატვრულ-ლიტერატურული მემკვიდრეობა ესმაურებოდა ჭეშმარიტების ძიებას. ვაჟა-ფშაველამ არაერთი იდეალური ადამიანის, „კაი ყმის“ სურათი შექმნა და თან ისე, რომ თითოეულ მათგანში თავად ლირიკოსის სახე იკვეთებოდა.

პოეზიაში ვაჟა-ფშაველა დიდ მნიშვნელობას ანიჭებდა სიტყვის ძალას, ენას, სიმართლის ქადაგებას. ამის საწყისი ჩვენ ვხედავთ პოეტის სიყმანეულისდროინდელ ერთ-ერთ საინტერესო ლექსში – „წინასწარმეტყველი“. შემდეგში ჩვენ ვხედავთ თუ როგორ მაღალ რანგში აიყვანა ვაჟამ სიტყვის ძალა, რომ სიტყვა იგივე საქმეა. მას ახარებდა, რომ მისმა „წვა-დავით გაზრდილმა სიტყვამ“ გაიხარა, „მეფესავით ოქროს ტახტზე დაბრძანებულა“ და „თვალისმომჭრელ სხივებს“ ბნელეთი გაუნათებია. პოეტი აღტაცებას ვერ მალავდა, რომ მისი მხატვრულ-პოეტური გენია მთელი სიდიადით ხალხში იყო მოფენილი. ამ აზრს იგი შესანიშნავად გადმოგვცემს 1894 წელს დაწერილ ლექსში „სიტყვა ეული“:

**„სიტყვა გადვადგე ერშია,
სიტყვა, რა სიტყვა? – ეული,
ტანჯულის გულით ნაცრემლი,
ვარმით ნაკეცი, სწული,
გულ-ვანგმირული, ბეჩავი,
თუ მანდილ-ჩამოხეული!“**

ვაჟა-ფშაველას დიდ ჰუმანურობას, სულიერ სიდიადესა და მაღალ ადამიანობას მეტი შთაბეჭდილებით წარმოაჩენს ლექსი „ჩემი ვედრება“. აქაც ლექსის ავტორი, დიდი პოეტისათვის დამახასიათებელი ნიჭიერებით, ვედრების ფორმით, ცხოვრების ხორცს განახევებს, თავის მიზანდასახულობას გადმოგვცემს. საერთოდ, ვედრების ფორმით მწერლის იდეალების გადმოცემა ახალი როდია ქართულ ლიტერატურაში, მაგრამ ვაჟა-ფშაველას მიერ ოსტატურად გამოყენებული ვედრების ფორმა მაინც განსხვავებულია:

**გამამხნეველმა პოეზიამ უდიდესი როლი
შეასრულა ჩვენი ხალხის ეროვნული გათვით-
ცნობიერების საქმეში.“** ალბათ, არ არსებობს საღად მოაზროვნე ადამიანი, რომელიც არ დაეთანხმება აკ. განაწილიას. „სტუმარ-მასპინძლის“ ავტორის ლიტერატურული მემკვიდრეობის ასეთ მართებულ შეფასებაში ლუკა რაზიკაშვილის პოეზია ზოგადად, და ცალკერდ, პოლიტიკური ელფერის ლექსები, მართლაც რომ ვერ თავსდება ჩვეულებრივ ჩარჩოებში, არამედ იგი უფრო მაღლა დგას, აშკარად განსხვავებულია სხვებისგან. ამიტომ იყო, რომ მას აკაკი განაწილიამ სამართლიანად უწოდა ეპითეტური სახელი – „გამამხნეველები“ პოეზია. ამ „გამამხნეველები“ (კვლავ აკ. განაწილიას დავცესხებით; ს.გ.), იმედის მომცემი პოეზიის ნიმუშები, რომლებშიც ნათლადაა წარმოდგენილი ეროვნული თუ სოციალური მნიშვნელობის საკვანძო საკითხები, შეგვიძლია პოლიტიკური ლირიკის მნიშვნელობითაც გავაცნობიეროთ. ამიტომ, რუსეთის მიერ დაპყრობილი ქართველი ხალხის ერთ-ერთი საუკეთესო შვილი, ვაჟა-ფშაველა ყოველგვარი უსამართლობისადმი დიდუდობელი სისასტიკის მქადაგებლად გვევლინება და თავის ლექსებს შეუპოვარი, მებრძოლი ხასიათის ტონზე წერს. ასეთია მისი ბევრი თხზულება, მათ შორისაა ლექსი „დამსეტყვე ცაო, დამსეტყვე,

**„დამსეტყვე ცაო, დამსეტყვე,
აქა ვარ ჩემი თავითა,
გულითა გაუტყეხელი,
მოუღალავი მკლავითა.
რაც უნდა ჭირი მამკერძო,
ბილწთ არ შევეკერი ზავითა,
მცნებას ვერ შეძაცვლევივინებ,
მოზღვარებული ავითა!“**

ვაჟა-ფშაველას დიდ პოეტურ გზაზე მსგავსი იდეური არსის ლექსები მართლაც რომ ბევრია. ჩვენ მხოლოდ ყურადღებას გაავამხვილებთ ზოგიერთ მათგანზე, თუნდაც „ფშაველის სიმღერაზე“, რომელიც დიდი ემოციური ზემოქმედების, ეროვნული სულისკვეთებისაა:

**„მკვდარი ნურავის გგონივართ,
გრძნობა მზიდილი ლეშია,
კიდევაც მიღულს ვაჟასა,
მთიური სისხლი მკერდშია.“**

მაღალი იდეალებით ნასაზრდოები ადამიანის განცდები ხშირად საფუძველი ხდება მაღალმხატვრული ნაწარმოებების შექმნისთვის. ამის შესახებ დიდ პოეტს არაერთხელ გაუმხატვრებია ყურადღება თავის თეორიულ წერილებშიც: „მკითხველი, – წერდა ვაჟა, – მხოლოდ მაშინ წამოიძახებს პოეტის ნაწარმოებზე – „რა კარგია, რა მშვენიერებაა“, როცა სურათი, რომელიც მან დახატა, ისეთ სულიერ ტკივილს აგრძნობინებს მწერალს, როგორც ფიზიკური ტკივილი გულისა, თავისა, მთიელის სხეულისა!“ ასეთი შინაგანი სულიერი ღელვითა და ნანახის განცდითაა დაწერილი ვაჟა-ფშაველას ბევრი პოეტური თხზულება, თუნდაც მოთხრობა, ან პოემა. გარდა ფაქტისა ან განცდილისა, ვაჟას, როგორც დიდ შემოქმედს, ხელწინფებოდა ყველაფერი ახლებურად გაეაზრებინა და მეტი პოეტური ელფერი მინიჭებინა. ამ კუთხით საყურადღებოა ლექსები: „ომის წინ ჯარის სიმღერა“, „სიზმარი ამირანისა“, „მთაო, შე შეუპოვარო“, „მოხუცი რაინდის სიმღერა“ და მრავალი სხვა.

(გაგრძელება შემდეგ ნომერში)

ნანა კვლიშვილი

მკვლელობის მრავალ სახეთა შორის მკითხველის ყურადღება მიიწვია მივაპყრო დაუბადებელი (ჩასახული) ბავშვის (ანუ ემბრიონის) მკვლელობას. უსუსური, უმწიფო ბავშვის მკვლელობის საზარელ ცოდვას სამდიცინო ენა-ზე რსულობა უწყინარი სახელი „აბორტი“ ეწოდება და, სამწუხაროდ, დაცანონებულია მსოფლიოს მრავალ ქვეყანაში. აბორტი – დანაშაული ღვთის წინაშე, რომელმაც გვიქადავა: „არა კაც ჰქონა!“ ესაა არნახული მასშტაბის ბრძოლა საკუთარი შვილების, მომავალი თაობის წინააღმდეგ. ამიტომ, თავისთავად, ცხადია, რომ ქრისტეს წინადაც ეკლესია არასდროს არ შეწყვეტს ბავშვის მკვლელობას. საშინელია იმის გააზრება, რომ 1989 წლისთვის საქართველოში გაკეთებულ აბორტთა რიცხვი შეადგენდა თითქმის 69 ათასს (!), რაც ყოველ 100 ჩასახულ ბავშვზე 45-ია, საბედისწერო, საეკლესიო ქადაგებებით, 1998 წლისთვის ამ რიცხვმა 24 ათასამდე, ანუ 3-ჯერ იკლო (იხ. ნ. ხომასურიძე, „აბორტი და მისი შედეგები“)..

აბორტი ორსულობის ხელოვნურად ნაადრევი შეწყვეტა. იგი ხორციელდება შესაბამის სამედიცინო დაწესებულებებში და დასაშვებია ორსულობიდან 12 კვირის ვადამდე, სპეციალური მაჩვენებლებით 22 კვირამდე, ხოლო სამედიცინო მაჩვენებლებისა და ქალის თანხმობის შემთხვევაში – ორსულობის ვადის მიუხედავად.

2020 წელს საქართველოში 19039 აბორტი გაკეთდა, ხოლო 2024 წელს – 14 884. არაოფიციალური მონაცემები უცნობია და, ალბათ, გაცილებით მეტიც არის. „აბორტის მომხრე ის ხალხია, რომლებიც დაბადება უკვე მოასწრეს“-ო, ამბობდა რეიგანი. სხვათაშორის, მრავალი



ტიანული ეკლესიისათვის აბორტი, როგორც ფეხმძიმობის შეწყვეტა, არა მარტო ზნეობრივად დაუშვებელი ქმედებაა, ყოველგვარი შეღამაზების გარეშე, არამედ, ეს არის ნინასწარგანზრახული, გააზრებული მკვლელობა! და ეს მკვლელობა უფრო ცივილიზიანია, უფრო დასასჯელია,

მკვლელობაში ხელის შეწყობაა.

წმ. იოანე ოქროპირის მიაჩნია: „... რისთვის უნდა და-
თესო იქ, სადაც თავად ყანა მძლავრობს ნაყოფის დასა-
ლუპად, სადაც მრავალი საშუალებაა დაბადების წინააღ-
მდედაც, სადაც შობამდე სწაღიან მკვლელობას? ასე რომ,
მეძვი არათუ სიძვენე გყავს, დაძაბვით მკვლელადაც
აქცევ. ლოთობიდან მოდის სიძვა, სიძვიდან – მრუშობა,
მრუშობიდან – მკვლელობა, რადგან არც კი ვიცო, სხვა
რა ვუნდოდ ამას. აქ დაბადებულს კი არ კლავენ, თავად
მის დაბადებას წინააღმდეგებან! რას იტყვი თავის გა-
სამართლებლად? განა ეს იმას არ ნიშნავს, რომ ღვთიური
ნიჭს შეურაცხყოფ? მიდიხარ ღვთიური წესის წინააღმ-
დეგ, ესწრაფვი შეჩვენებას ლოცვა-კურთხევის ნაცვლად,
დაბადების საგანძურს მკვლელობის საგანძურად აქცევ,
ბავშვების გაჩენისთვის შექმნილ ქალს ბავშვების მკვლე-
ლობისკენ უბიძგებ“ (წმ. იოანე ოქროპირი, რომაელთა
მიმართ ვიქტრ. განმარტებიდან, საუბარი 24, 4).

არ უნდა დაგვავიწყდეს, რომ ეპიტიმია მკვლელთათვის ყველაზე მძიმეა როგორც სიმკაცრით, ასევე ხანგრძლივობით. გასაგებია, რას ფიქრობს ქრისტიანული ეკლესია თავისი წმინდა მამებზე მკაცრად ამ საკითხზე, მაგრამ მინდა გაგიზიაროთ რამდენიმე ახლანდელი, ჩვეულებრივი მამაკაცის განცდებიც... **ბაჩო ზაქაძეს** სულსიმძვერელად აქვს გადმოცემული მამის განცდილი აბორტის:

„ვერ მოვისწარი ჩემო შვილო ბედმა დამცა და
ქვეყნის გარეთ და ქვეყნის შიგნით ვატოლებთ ხელებს,
ნეტა თუ მგავდი, რომ მენახე არც კი დამცალდა,
ვიცი დღეს ლამეც შენი სისხლი ამომაველებს.“

[illegible]

მცენიერი, რომლებიც თავდაპირველად აბორტის მომხრენი იყვნენ, თანდათანობით, ხანგრძლივი გამოკვლევების შედეგად, მივიდნენ იმ დასკვნამდე, რომ ჩასახული ბავშვი არის ცოცხალი არსება, ჩვეულებრივი ადამიანი, ხლო აბორტი – ადამიანის მკვლელობა. ასეთ მცენიერთა რიცხვს მიეკუთვნება ცნობილი ამერიკელი მეან-გინეკოლოგი, დოქტორი ბერნარდ ნატანსონი. სწორედ მან გადაიღო მსოფლიოში საყოველთაოდ ცნობილი ფილმი „უზმო ყვირილი“, სადაც დაფიქსირებულია კადრები, რომლებიც სასესიოთ დასატურთვენ ემერიონის სიცოცხლისუნარიანობას. დღესდღეობით, მედიცინას ძალუძს 25-კვირიან ნაადრევად დაბადებულ ბავშვს შეუნარჩუნოს სიცოცხლე. ეს ციფრი არცთუ დიდი ხნის წინ 30 კვირა იყო. მედიცინა ნახტომისებური ნაბიჯებით მიიწევს წინ. ხვალ შეიძლება ეს ციფრი უფრო შემცირდეს. ამის დასტურია ისიც, რომ მოხერხდა 19-კვირიანი კენი კინგის გადარჩევა (დაიბადა 1985 წ. აშშ-ში), რომელიც მხოლოდ 510 გრ. წონისა იყო.

მათეს სახარების მესამე თავში – ისომ მიუფო: „ჭჳმ-ნართად, ჭჳმმართად გეუბნები შჳნ: ვინც არ დაიბადება წყლისა და სულისაგან, ვერ შევა ღმერთის სასუფეველში.“ „წინასწარი განზრახვით მუცელში ნაყოფის მომკვლელს კაცისკელის სასჯელი ედება“, „ნაყოფის მოსაცილებლად შინაური ნაშლის მიმცემი არის მკვლეელი, ისეთივე მკვლე-ლი, როგორიც შხამის მიმღები“ (ბასილი დიდი, მე-2, მე-8, კანონი).

მოკლედ შევცხოთ დაბადებამდე ჩანასახის განვითარებას. ხშირად, როდესაც აბორტის გამართლება სურთ, მიზეზად მოიქვთ ის ფაქტი, რომ ბავშვი დაბადებამდე არის დედის სხეულის ნაწილი და დედას უფლება აქვს თავის სხეულს იმე მოეპყრას, როგორც მას სურდა. აქ აუცილებელია აღინიშნოს, რომ, უპირველეს ყოვლისა, ადამიანს ქრისტიანული ნესით უფლება არ აქვს საკუთარ თავს მოეპყრას სურვილისამებრ, რადგან ჩვენი სხეული არის *“ტაძარი სულისა წმიდისა”* (1 კორ. 6; 19) და მისი შებოღნა აქ შეურაცხყოფს უფალს და, მეორედ, ჩასახის მომენტიდან ბავშვი დამოუკიდებელი არსებაა, რასაც ადასტურებს ის ფაქტი, რომ მას შეიძლება ჰქონდეს დედისაგან განსხვავებული სქესი, კანის ფერი, თმის ფერი, თვით სისხლის ჯგუფიც კი! აბორტის სამედიცინო ასპექტების განხილვის შემდეგ, დასკვნის სახით შეგვიძლია ვთქვათ, რომ თანამედროვე სამედიცინო აპარატების საშუალებით საესებო და საბოლოოდ დადასტურდა, რომ ჩანასახი არის ადამიანი, რომელსაც აქვს სიცოცხლის უფლება, ბოძებული ღვთისაგან, რამდის ნათქმევია წარმოადგენს აშკარა გულაშკერებას საუფლო ნების წინააღმდეგ. ქრის-



უფრო ღვთის საქმეელია, ვიდრე ნებისმიერი სხვა მკვლელობა, რადგან იგი ადამიანურ არსებას სიცოცხლეს იქამდე ართმევს, სანამ იგი იხილავს მას, და არც მთავარია, წმ. ნათლობის საიდუმლოს მიღებამდე.

მეტად ჭკუის სასწავლებელ ნიგნ-ში, რომელსაც „ცოდვილთა ვადარჩენა“ ეწოდება, მე-5 თავში – „არა კაც ჰქალა“, შევეციდითა ნავიციითხოთ: „ამ მცნებაში იგულისხმება სულიერი და ფიზიკური მკვლელობა, ანუ, თუ შენ მოყვასს უბიძგებ პროსტიტუციისაკენ, მკვლელობისაკენ, ან ნებისმიერი სხვა ცოდვიანი საქმისაკენ, ან თუ დაეხმარე მას ამ ქმედებათა ჩადენაში, შენ ძმის სულიერ მკვლელად ჩაითვლება“. სხეულზე ნათქვამია: „თუ მოკალი, სცემე ქალი, მიატოვე ბავშვი, მიიღე მცენარე ჩანასახის მოსაკლავად ან ჩასახვის საწინააღმდეგოდ, – ყოველივე ეს და სხვა მსგავსი მკვლელობაა ამ მკაცრად ისჯება! ადამიანი, რომელიც მუცელშივე კლავს საკუთარ შვილს, ემსგავსება ჰეროდეს, რომელმაც 14 ათასი ჩვილი გაანადგურა, რათა მისთვის ცხოვრებაში არავის შეეშალა ხელი. „ნებისმიერი ადამიანი, მიუხედავად იმისა, რას ფიქრობს თავად, აბორტის საშინელ ქმედებაში, მუცელად მყოფის მკვლელობის საშინელ ოპერაციაში თანადონაწილეობისას, მკვლელობის მონაწილეა, ჩადის უმძიმეს ცოდვას. დანაშაულის ღვთის წინაშე!“ (მიტროპოლიტი მელეტი). აბორტი, მართლმადიდებელი სარწმუნოების მიხედვით, განიხილება ერთ-ერთ უმძიმეს ცოდვედ! დიდი სჯულის კანონში მითითებულია, რომ აბორტის გამკეთებელი დედაცაკი უნდა განკანონდნენ, ანუ დაისაჯონ „კანონითა კაცისმკვლელობით“. ეს, სხვათაშორის, დიდი სჯულის კანონის არაერთ ნორმაშია მითითებული. წმიდა წერილიდან ირკვევა, რომ ბავშვს სული ეძლევა ჩასახვისთანავე. ამის მაგალითად შეგვიძლია დავასახელოთ ის, რომ ბიბლიაში მოხსენიებულ მამამთავრებს, წინასწარმეტყველებს და სხვა წმინდანებს, სახელი ჩასახვისთანავე ეძლეოდათ, როგორც ცოცხალ არსებებს. ეკლესია ცალკე აღნიშნავს წმ. იოანე ნათლისმცემლის მუცლადღების დღეს 8 ოქტ. ახ. სტილით). წმ. დავით მეფესალმუნე ბრძანებს: „შემოწინარე მე დღისს მუცლით ჩემითგან“. ყოველივე ეს მიუთითებს იმაზე, რომ ეკლესია ჩასახულ ბავშვს აღიქვამს ჩვეულებრივ ადამიანად, რომელსაც აქვს სული, ბოძებული ღმრთისაგან და არის ცოცხალი არსება. მცირე კურთხევამი არსებობს საგანგებო ღოცვა იმ შემთხვევაში, როცა ორსულობა წაადრევად შეწყვეტა (ცხადია, ბუნებრივად). ამ ღოცვის საკითხავები სინანულის შემცველია. ეს არცაა გასაკვირი, ვინაიდან შვილიერება ღმრთის წყალობად ითვლებოდა და ითვლება როგორც ძველი, ისე ახალი აღთქმის ეკლესიაში. ამიტომაც ღმრთის წყალობის განმორქმვა, ცხადია, სამწუხარო იყო ყოველი მორწმუნესათვის. წმიდა პავლე მოციქული პირდაპირ მიუთითებს ტიმოთეოს მიმართ პირველ ეპისტოლეში (2:14), რომ „დედაცანნი ცხონდებიან „შვილთსხმისაგან, უკუეთუ ეგნენ სარწმუნოებით და სიყუარულით და სინმდით ღირსებასა ზედა“.

აბორტი არაფრით არ განსხვავდება ადამიანის მოკვლის ცოდვისგან, „მკვლელობის განსაკუთრებული სახეა აბორტი. ამ დროს თვით დედა ხდება მკვლელობის საკუთარი შვილისა. სამწუხაროდ, ბევრი ვერ გომოხმენ დაწამაულს, არადა ამისთვის მკაცრად დაისჯებიან. რა თქმა უნდა, დაისჯება ისიც, ვინც აბორტს აკეთებს“ (ილია მერორე). აბორტისაკეთებამი შემოვობა (ხელის შეწყობა)



მამი, თუ გრძნობდი შეცდებულს ვინ გაორთქლებდა?
(ნეტა ხის აკვანს, ჩემს გამოთლილს,

ახლა ვინ ურნევს?!)
 ალბათ მოჰგავდი შემოდგომით წითელ ფოთლებს და
 ვაი რომ მართლა ფოთლებივით დაგანაკუნეს.

მიშვე მეტია ტკივილები ბასრი სინათლის,
 ეხეთქებოდი ვინრო კედლებს ხელების ქნევით,
 რამდენ „შენგებას“ ჯაყუყვი, შვილო, ვინ დათვლის?!
 სისხლი გდიოდა, წმინდა სისხლი ზევით და ქვევით.“

.....აბორტის ცოდვა უშიშმეს ტვირთად აწევბა ადამიანს, ოჯახს, მთელ ერს. ამ და სხვა ცოდვების გამოა, ზოგჯერ გაუსაძლისი რომ ხდება ჩვენი ყოფა. თუ არ შევანერებთ ყრმთა კვლას, უფალი არ შეიანერებს იმ განსაცდელებს, ჩვენს ერს რომ ბაუნყვევტილად აყდებდა თავს. ვისაც მეტი მიეცა, მეტი მოეთხოვება. არ შეიძლება, ღვთისმშობლის ნილზვედრ საქართველოს, ღვთის წყალობის იმედი ჰქონდეს, თუკი თავისი შვილების ხოცვას არ შეწყვეტს. ვისაც ეს ცოდვა ჩაუდენია – მხოლოდღე მოინანიოს, ვინც აპირებს - შექერდეს, თითოეულმა კი ყველაფერი უნდა გავაკეთოთ, რათა ხმა აბორტის დამღუპველობის შესახებ ყველას მივანვიდინოთ!" (საპატრიარქოს პრესცენტრი). ამ მძიმე სტატიას დავასრულებ ერთი ჩემი მეგობრის, ჩემჭირი პროზაიკოსის, გიორგი გახაიკიძის ჩანახატი, რომელსაც „ოცნება“ უწოდებდა:

„ის ღამე თეთრი იყო... ზღვის სანაპიროც თეთრი... დაფიფქულ ჩანთაში სუნთქვა მეკეროდა. დედა, იცი? გარეთ თოხს... მცხია, მაგრამ ყველაფერი ისეთი პირველია, როგორც მე. მე პირველი ვარ და შენ, ალბათ, ბოლო. დედა! არ გიცნობ, იქნებ შენი სახლი მითხრა? მე არ მექვია? რატომ არ მელაპარაკები? კარგი, ნუ მეტუტები.... გინდა ბოდიშს მოგიხდი, რომ შევანუხე და თეთრ ღამეში სახლიდან გამოვავდე. დე... ელვა გახსენი, ჰაერი მჭირდება! სუნთქვა მიცნოს... ეს არ ხმაურია დედა? თეთრი სამყარო? არ ვიცნობ, უცნობა ჩემთვის... ანგელოზები მოფრინდნენ. ვერ ხედავ? მე ვხედავ! ლამაზები არიან! რატომ გაჭერდი? დედა, სად წახვედი? დეე... დედიკოოო! ანგელოზებმა სახელი დაამარქვეს. არ გეტყვი, ახლა მე გაგეტუტე სამუდამოდ! დაფიფქულ ჩანთაში სუნთქვა შეგნყავით...“

როდენ გასაკვირიც არ უნდა იყოს, ამასთანავე, საშინლად შეშურავიც და სამწუხაროც, მსგავსი განცდები ქალის გადმოცემული მე არ შემიხვედრია... ალბათ იმიტომაც შეუძლია ქალს!..

იუბილე

პულოცაკი!



ჩვენს კოლეგას, საქართველოს დამსახურებულ ჟურნალისტს, შესანიშნავ პოეტს,

პუბლიცისტს, ბორჯომის კოლორიტს, უშანგი ჯანგირაშვილს (უჩა არაგვისპირელი), დაბადებიდან 75 წელი შეუსრულდა. მან ოთხი ათეული წელი გაზეთ „ბორჯომის“ რედაქციაში იმუშავა, პარალელურად, თანამშრომლობს „ლიტერატურულ მესხეთთანაც“ – მის ლექსებსა და წერილებს ინტერესით კითხულობს ჩვენი გაზეთის ერთგული მკითხველი. მას გამოცემული აქვს რამდენიმე პოეტური კრებული, არის ვაჟა-ფშაველას პრემიის ლაურეატი.

ამასთან, უშანგი ჯანგირაშვილმა, თავისი შესანიშნავი ნაშრომის – „ვაჟა-ფშაველას მხატვრულ სამყაროში“, გამოცემით, ვახტანგ კოტეტიშვილის სიტყვებით რომ ვთქვათ: „...შეიძლება ითქვას, ახალი სიტყვა თქვა ვაჟა-ფშაველას გმირების ხასი-

ათის ამოცნობაში. კერძოდ, სრულად გახსნა ჯოყოლას სულის ტრაგედია და ამოხსნა ალაზას სიყვარულის „საიდუმლო“. მიაგნო აგრეთვე ვაჟას პოემების კომპოზიციურად აგების ერთ სპეციფიკურ ნიუანსს. საყურადღებო მოსაზრებები მოგვანოდა ვაჟა-ფშაველას დიალოგის თავისებურებებზე.“

„გული მღალატობსო“, – ამ ორიოდე წლის წინ თქვა და ველარ გააგრძელა ჟურნალისტური მოღვაწეობა, არადა, რამდენი რამის გაკეთება სურს... თუმცა პოეზიასთან მაინც განუწყურელად დარჩა და ზშირად გულის ნადებს, თავის ლამაზ პოეტურ სტრიქონებში გამოხატავს.

იგი ერთ-ერთ ლექსში ამბობს: ადამიანის სიცოცხლე ზნეობა-უზნეობის ბენვის ხიდზე სიარულიაო და, მართლაც რომ

ასეა! – მან მთელი თავისი შეგნებული ცხოვრება კაცურ-კაცურად განვლო და ბორჯომელთა ჭეშმარიტად დიდი სიყვარულიც დაიმსახურა.

უშანგი ჯანგირაშვილი, მიუხედავად წელთა სიმრავლისა, მაინც ხალხის შუაგულში ტრიალებს, ყოველთვის თავის მართალ სიტყვას ამბობს, არ აკლია საზოგადოების ყურადღება და დიდი სიყვარული.

ჩვენს ერთგულ მეგობარს უპირველესად ვუსურვებთ ჯანმრთელობას, მხნეობას, შემოქმედებით წვას და ღმერთმა უფრო მეტი შეაძლებინოს რომ კვლავაც, თავისი ლამაზი პოეზიით, გაეხარებინოს თავისი ერთგული მკითხველი.

აქვე გთავაზობთ უშანი ჯანგირაშვილის ბოლოდროინდელ რამდენიმე ლექსს:

მოზილურ ტელეფონს

აჰა, ჩაგრთე ქსელში და
დაიტენე, ტელეფონო!
მე ვინ დამტენის
მოხუცს, საცოდავს?
ვინ დამიტენის ძარღვებს,
როგორც შენ,
სიცოცხლის ფლუიდებით,
ვინ ჩამრთავს ქსელში?
თუმცა, მოიცა! –
სიყვარულით ხომ ისედაც
დატენილ-გაჟღენთილი ვარ!
და ასე მივალ
სამარის კარამდე...
ასე, რომ
არ მშურს შენი!

ვანალიზე

ვანალიზე, რაც თავს გადამხდა,
ხომ არ დავუშვი რამე გადახრა?
ზნეობის მდელი ხომ არ გადახმა,
შავმა მოზერმა ხომ არ გადახნა?..

მადლობა უფალს, პირნათელი ვარ!
თუმც იყო რალაც, ალი-ბალია;
ვფიქრობ და, მგონი, კვალს მივაგენი,
ესეც ადამ და ევას ბრალია!..

დამაცადეთ! დამანყნარეთ! ზვირთს ნუ
ათამაშებთ,
ამ მოკლე წუთისოფელში ცოტაც
მაფარფაშეთ!..

ბენვის ხიდი

ცდუნება იყო დიდი,
მაგრამ არ ჩატყდა ხიდი!
ეს ხიდი ბენვის ხიდი,
გამივლია და იგია!..
ცხოვრება ცოდვით სავსეა,
– წუთისოფელი ასეა!
აჰა, გავსულვარ ბოლომდე,
– კარს მომდგომია ბოლო დღე!..
ჩემი კაცობით, რწმენით,
ტანჯვით და ცრემლთა დენით
განვლიე წუთისოფლის
ავ-კარგიანი დღენი;
და სანამ კიდევ ვლინდები
ამ წუთისოფლის მზეში,
ვიარო წელგამართულმა,
არსად დამიცდეს ფეხი!
ლუკმა გავუყო მოყვასს,
ვიდარდო სხვისი დარდიც,
თორემ ეშმაკი მზადაა,
იხმაროს რალაც ფანდი!..

„იქ“ ბენვის ხიდი სხვაცაა,
იმის ქვეშ ცეცხლის ტბაცაა,
აი, მერეა, რაცაა!..

უშანგი ჯანგირაშვილი წოდვანი ნაფიქრალი

თითქოს მომწყინდა დილა, საღამოც,
დრო-ჟამის სრბოლა, დარი, ავდარი;
ხან – გაზაფხული, ხან – შემოდგომა,
ხან – ზაფხული და ხანაც – ზამთარი...

ეშმაკეულმა რად გამკრა ფიქრმა?
ო, მაპატიე, უფალო, გვედრი!
რა იქნებოდა ცვალებადობის
გარეშე ჩვენი ყოფა და ხვედრი?!

აცხონოს ღმერთმა პაპა გრიგოლი,
სიბერის ჟამს რომ იტყოდა ლოცვით:
„დავამძიმეო ეს დედამიწა
ჩემი აქ ყოფნით, ძვლებით და ხორცით!“

.. მაშ, დაილოცოს კვლავ ყველაფერი
ეს ნეს-განრიგი, ქვეყნად რაც არი!
კვლავ – გაზაფხული, კვლავ – შემოდგომა,
ისევ – ზაფხული, ისევ – ზამთარი!..

სიწოწხლის წყურვილი

ჩემო სისხლძარღვებო, ჩემო ძვირფასებო,
იმ შლევით თერგივით ზვირთს ნუ
ათამაშებთ!
პულის დამინყნარეთ, წუთს ნუ
ჩამიმწარებთ,
ამ წუთისოფელში ცოტაც მაფარფაშეთ!..

ზღვისპირს თოლიები წვიმამ გამოფინა,
ეკალ-ბარდნარებში ღობემძვრალას
სძინავს,
მყინვარების ძირში სოფელს კოცნის
მთვარე,
ქარაფების ჩრდილში სიო მონარნარებს...

ვიცი სამოთხეში კარგია და... მჯერა!
მაგრამ ამ სამოთხეს იქ ვერ ვნახავ, ვერა!
აქ დარჩება ეს მშვენიება,
საქართველოს ეშხი,
ველ-მინდვრების რეზუსები, ზღაპარი
თუ ლექსი...

უჩემოდ ამოზრწყინდება მზე ცხრანყაროს
თავზე,
უჩემოდ ჩამოზინდება ბაზალეთის ტბაზე,
უჩემოდ გაიმართება ჩარგალს „ვაჟაობა“,
ხევისბერის დალოცვა და ლამარის ჯვრის
ყმობა...

ყველა როგორ ჩამოვთვალო,
საქესატრაბო,
ველ-მინდვრები – სავენახო, მთები –
საბალახო,
მდინარენი – საჩანჩქერო, ბევრგან –
საკალმახო...
დავიჯერო, სამოთხეში უკეთესი ვნახო?!

ამიტომაც, სისხლძარღვებო, ჩემო გულის
ფეთქევა,
რა დროს არითმია და მართლაც გულის
ხეთქევა!

თამარ ჯაყელი – დედოფალი გურიისა და ზარზმის სასწაულომოქმედი ხაყის გადარჩენა

◀ დასაწყისი გვ. 6,7

და და როდესაც ქვეყანამ ოდნავ ამოისუნთქა, ყვარყვარე მესამე ჯაყელმა თავის სიძეს, გურიის მთავარს ვახტანგს და მის დედოფალს – თამარ ჯაყელს სთხოვა ზარზმის ხატი და ევანგელინათ გურიამი.

ყვარყვარე ჯაყელს უშიძიდა ამ ხატთან განშორება. მესხებმა იცოდნენ, რომ ეს ხატი 886 წელს შეიქმნა სამცხეში და იგი ჩორჩანელთა საგვარეულოს ეკუთვნოდა, რომელთა შთამომავლებიც იყვნენ ჯაყელი-ციხისჯვარელები. „ფერისცვალების“ ხატი არაერთხელ იყო მოხსენიებული ბასილი ზარზმელის თხზულებაში – „სერაპიონ ზარზმელის ცხოვრება“, სადაც VI-VII საუკუნეების ამბები იყო აღწერილი. განსაკუთრებითაა ნათქვამი, რომ ზარზმის წინამძღვარმა „სრულყო ეკლესია და შეამკო ყოვლითა სამკაულითა და აღმართეს მას შინა ხატი ფერისცვალებისაო“. ხატის კომპოზიციის ცენტრში, ოვალურ „დიდებაში“ გამოსახული იყო ფეხზე მდგომი ქრისტეს მთლიანი ფიგურა, მაკურთხებელი მარჯვენით; ტრადიციის თანახმად, წინასწარმეტყველები ვედრების პოზაში იდგნენ უფლის წინაშე. ეს ხატი საქართველოს სამეფოს შექმნის იდეასაც შეიცავდა. სიღრმისეულად განათლებულმა მესხმა დარბაისლებმა იცოდნენ, რომ 888 წელს, ამ ხატის შექმნიდან 2 წლის

შემდეგ, სწორედ მესხეთში შეიქმნა ქართველთა სამეფო, შესაბამისად, საქართველოს დიდებასა და სამყაროს მაცოცხლებელ სინ-მინდვებს შორის მის განსაკუთრებულ მნიშვნელობას უსვამდა ეს დიდებული ხატი ხაზს.

მაგრამ მესხეთისკენ ირანისა და ოსმალეთის ჯარები იყვნენ დაძრულნი, ამიტომაც მესხებმა დაუჩოქეს მათ მფარველ სინმინდეს და ხატს ცხარე ცრემლით გამოემშვიდობნენ.

სწორედ შემოქმედის ეკლესიაში, გური-აში, დედოფალმა თამარ ჯაყელმა გააგრძელა აღმშენებლური საქმიანობა წინაპრებისა და დაამშვენა გურიელთა მთავარი საძვალე მრავალი საკულტო მშენებლობით.

როდესაც გურიის მთავარი ვახტანგ გურიელი გარდაიცვალა, მისმა მეუღლემ მთავრის საფლავზე დაასვენა სასწაულომოქმედი ზარზმის ფერისცვალების ხატი, სამაგალითოდ დაიტრია მეუღლე და შემდგომი საქმიანობით მთელ გურიას სულიერი მხნეობა და სიმტკიცე მოჰფინა.

დღეს ზარზმის ფერისცვალების ხატი ორი განყოფილებისაგან შედგება: დიდ ხატში ჩასმულია შედარებით მომცრო ზომის ღვთისმშობლის ხატი ჩვილით, ოქროს ამობურცულ შეჭედობაზე ჩასმულია სამი

ხოშორი თვალი: ფირუზი, ლალი და იაგუნ-დი. უკანა მხარის ვერცხლის გარსამოსზე

იკითხება შემდეგი წარწერა „ქ: ეჰა: საში-ნელო: და შეიდთა ცათა: უმაღლესო ქერო-ბინთა უწმიდესო: და სერობინთა: უზეშთა-ესო: ყოველთა წინასწარმეტყველთაგან: დედად ღთისად: მოსწავებულო: ქალწულო: დედოფალო: ღთის: მშობელო: მოგიჭედი-ნეთ: ხატი: სახისა: თქვენისა: ოქროთა: მუ-რასად: თვალითა: და მარგალიტითა ჩვენს: სასოებით მომოდობილმან: ცვა: ფარვათა: თქვენთამან: დედოფალმან:ათაბაგის: ქალ-მან: ბატონმან თამარ: თანა: მეცხედრემან: გურიელისა: ვახტანგისამან: და დავასვე-ნეთ: შემოქმედს: საფლავსა: ზედან: გური-ელისა: ვახტანგისასა: დახსნად: სულისა: მისისათვის: დღესა: მას: დიდსა: განკითხ-ვისათვის და შესანდობლად: და ძისა: ჩემისა: გურიელისა: ბატონისა: ქაიხოსროსათვის: სადღეგრძელოდ:მხედრობისა: და ჯელმნი-ფობისა: მისისა: წარსამართებლად: და და-სამკვიდრებლად: შეინირე: შენ: ყდ: წმიდაო: დედოფალო: ღთის მშობელო: ვითარცა: ძე-მან: შენმან: სამნი: იგი: მწვლილნი: ქერი-ვისანი: და გვასმინე: ჳმა: იგი: სანატრელი: მოვედით: კურთხეულნი: მამისა: ჩემისანო: ამ წუთს: სოფელსა: დღე: გრძელობა: და სი-ნანული: მალსე: და დაუსრულებელი: დღე: აბრაამის: წიაღთა: შინა: დამიმკვიდრე.“

ამ ამბიდან მრავალმა საუკუნემ განვლო. შემოქმედის ეკლესიათა შორის, ყოველთვის გამოირჩეოდა „ახალი ზარზმა“, რომელიც ვახტანგ გურიელმა და მისმა თანამეცხედრემ თამარ ჯაყელმა, დაუტოვეს მომავალ თა-ობებს, სულიერი სიმტკიცისათვის. თავად ზარზმის ფერისცვალების სას-ნაულომოქმედი ხატი გურიას შველოდა. დიდი ექვთიმე თაყაიშვილი აღფრთოვა-ნებული იყო ზარზმის ფერისცვალების ხა-ტით და მის გადარჩენაზე ზრუნავდა. 1907 წელს ექვთიმე თაყაიშვილს აღნიშნული ხატი შეტანილი აქვს შემოქმედის მონასტ-რის ზარზმის ეკლესიის სიძველთა აღწერა-ში, სადაც მოყვანილი აქვს ზედ არსებული წარწერები. მისი სიტყვებით „რაკი ამაზე უძველესი ხატი იშვიათია არა თუ გური-აში, არამედ მთელ საქართველოში“, ამიტომ სა-ჭიროდ მიგვაჩნია განსაკუთრებით დავი-ცათ იგი.

ზარზმის ფერისცვალების ხატი, სას-ნაულომოქმედი სინმინდე, შემცველი მრავალი საიდუმლოსა და მნახველი მრავალი დროისა, გადამრჩენელი საქართველოსა, დღესაც გვესაუბრება ღვთიური სიბრძნითა და სიყვარულით, ჩვენ, დიდ წინაპართა ნა-შეიერებს.

ჩვენი აბარაკები

ურაველი (ახალც. მაზრა). წელს, აქაურ რკინის წყლებს, გზების უფარგისობის მიუხედავად, ბევრი ხალხი მოაწყდა, ასე რომ საქირავებელი სახლი აღარ იშოვება.

წელს სახლის ქირამ, გავლილ წლებთან შედარებით, ერთი სამად იმატა. სანოვაგე ცეცხლის ფასად გახდა, რადგანაც მოაგარაკეთა ბედ-ილბალი ჩარჩ მედუქნეებზეა დამოკიდებული.

მოაგარაკეთ არავითარი გონივრული გასართობი აქვთ, თუმცა შეეძლოთ თავიანთ შორის შეედგინათ წრე, რომელიც დროგამოშვებით გაჰმართავდა წარმოდგენებს, სალიტერატურო დილა-სალამოებს, მოაწყობდა ჟურნალ გაზეთების სამკითხველოს მაინც და სხვ.

ურაველის რკინის წყალი მკურნალთა მიერ ძლიერ მოწონებული და სისხლ-ნაკლულთათვის სისუსტისათვის უებარი წამალია. ეს კავკასიის ყველა კუთხის მცხოვრებთაც კარგად იცნან, რადგან ყოველ ზაფხულს მოდიან და მთელ ზაფხულობით რჩებიან. აქ 80-ზე მეტი მშვენიერი საზაფხულო სახლია, მაგრამ მთავრობა არა ფიქრობს დღემდე რიგიან გზის გაყვანასაც.

ისეთი განსაცდელით მოგზაურობენ მოაგარაკენი ურავლის უფარგის გზებზე, რო გაგიკვირდებათ. ურმითა და ცხენითაც კი გასაჭირია უხიფათო მოგზაურობა. წარმოიდგინეთ, მე ჩემი თანმხლები მგზავრიანათ ფეხით წავედით ახალციხიდან ურაველს და იმისთანა კანკები (კლდის ბილიკები) ჩავიარეთ, რომ ფეხი დაგვსხლტოდა, უფსკრულში ჩავიკარგებოდით.

აი ამ საცურავ კლდეებზე დაიარებიან ცხენები შიშითა და კანკალით. ორი წლის წინედ ხმა იყო, მაზრის უფროსი ბ. ყარაღაშვილი აკეთებს მუსხის ხიდს და ურაველის გზასაო. ხალხის სიხარულს საზღვარი არ ჰქონდა, მარა არ ვიცი რა გარემოებამ შეუშალა ხელი უფროსსა, რო დღემდე არაფერი გაკეთებულა. ნეტაი დიდი მანძილიც იყოს 15-20 ვერსს ძლივს აღემატება ახალციხიდან ურავლამდე.

თუ მართლა გაკეთდა როდისმე ეს გზა, უეჭველად უფრო მეტი შემოსავალიც ექნება ხაზინას, რადგანაც ბევრს უზომავს სამოსახლოდ სახაზინო ადგილებსა.

არაა ეჭვი, რომ გზის გაკეთება დიდ სახელს მოუტანს ურავლის წყლებსა, სადაც შორეულ ადგილებიდანაც მოვლენ სააგარაკოდ.

მესხი პ. გვარამაძე
„სახალხო გაზეთი“, 1911 წელი, N355

მესხ-ჯავახელი
ლტოლვილნი

ამას წინათ ქუთაისში ვნახე ლტოლვილეები მესხეთ-ჯავახეთისა. მე, როგორც მესხმა (ქ. ახალციხელმა), რა საკვირველია, ბევრი ვიცანი.

ერთ ჯავახელს დაუწყე ლაპარაკი, საუბარი.

– რომელი სოფლიდან, ან ქალაქიდან ხართ გამოქცეული და რა გვარი ხართ?

– „ფრანგი“ ვარ, „ფრანგი“ და კიდევ რაღაც უნდა ეთქვა, მაგრამ მე გავაწყვეტინე ლაპარაკი.

– მამ თქვენ „ფრანგი“ ხართ, აბა ერთი, მითხარი საფრანგეთის რომელ ქალაქიდან მოხვედით? ქართული ლაპარაკი სად ისწავლეთ?

– არა, შე დალოცვილო, „ფრანგი“ ვარ, „ფრანგი“, კათოლიკე, ჯავახეთის სოფელ ხიზაბავრიდან. ახალქალაქის მაზიდან, იობი მქვიან, გოგოლაძე ვარ გვარად.

– მამ, თქვენ ყოფილხართ ქართველი, ტომით ქართველი და სარწმუნოებით კათოლიკე, ე.ი. ქართველ-კათოლიკე.

– დიად, შენი ჭირიმე, სწორედ ამბობთ.

– რად უწოდებთ „ფრანგებს“ თავს?

– რა ვიცი, შე დალოცვილო, მე უსწავლელი, სოფლის კაცი ვარ, წერა-კითხვა არ ვიცი.

ჩვენმა მღვდლებმა გვასწავლეს, რომ ჩვენ „ფრანგები“ ვართ.

ჩვენს ეკლესიებში სომხურ ენაზეა – „ტერმოლორმის“ იძახიან ხოლმე. ჩვენ სომხური არ გვემის, მხოლოდ კვირა დღეობით, წირვის დროს სახარებას წაიკითხავენ ხოლმე ქართულად და ქართულად იქადაგებენ ჩვენი მღვდლები და აი, მაშინ გავიგებთ ხოლმე ქრისტეს სწავლა-დარიგებას.

ზემო აღნიშნულ გოგოლაძის გარდა მათთან ერთად ვნახე იმავე სოფლის ქართველ-კათოლიკეები წინა ფალიაშვილი, კატო ხუციშვილი და ლიზა შემაბერიძე, გოგოლაძეს წამოეყვანა თან ორი-სამი წლის ბავშვი, თავისი ძმის შვილი, რომელიც მისი ოჯახითურთ დაუხოცავთ თათრებს. ფალიაშვილთან თუ ხუციშვილთან იყო სოფ. დადემიდან, ახალქალაქის მაზ. წამოსული ქალიშვილი, 10 წლისა ქართველ-მართლმადიდებელი მზექალა ბერიძე. ამ პატარამ არ იცოდა მშობლები ცოცხალი დარჩნენ თუ თათრებმა დახოცეს.

შემდეგ გამოვიკითხე გოგოლაძეს ჯავახეთის ამბები. მან დაწვრილებით მიაშმოცრემლიანი თვალებით თუ რა განიცადავს: ტანჯვა, წვალება, მწუხარება – ქალწულების დედ-მამის თვალწინ გაუპატიურება, ხოცვა-ჟლეტა და სხვ.

სომხებს ქართველებიც მიგვაყოლეს და



ვინც ვერ გამოიქცა, ამოჟლიტეს თათრებმა.

შემდეგ გოგოლაძემ მიაშმოცრემლ ტანჯვა-წვალებას განიცდიან მესხეთ-ჯავახეთის ლტოლვილები ბაკურიანში: შიმშილით, სიბინძურით, უსახლკაროთ ცის ქვეშ იხოვებიანო.

ჩვენ არავინ გვეხმარება, სომხებს – ლტოლვილებს კი ვილაც მონროშვი (მანთაშვი) დიდ ფულს უგზავნის.

ამ უმაგალითო ომმა სამი სახელმწიფო შეიარაღა.

საჭიროა მთავრობის მზრუნველობა საქართველოს სხვა და სხვა კუთხეებში გაფანტულ მესხ-ჯავახელთადმი.

მესხი პ. გვარამაძე
„სახალხო საქმე“, 1918 წელი, N391

ჯავახელი
ლტოლვილნი

კახეთის რკინის გზის უფროსმა გზათა მინისტრს დეპეშით აცნობა, რომ 23 ნოემბერს სიცივით შეწუხებული საგარეჯოს მახლობლად დაბანაკებული ჯავახელი ლტოლვილები მიანყდნენ საგარეჯოს რკინის გზის სადგურს და ძალით დაიჭირეს იგი. თუ ზომები დროზე არ იქნა მიღებული, მოსალოდნელია მათგან ძალმომრეობა გზის მოსამსახურეების წინააღმდეგაო. რკინის გზის უფროსის განკარგულებით გამოთხოვილია ათი ვაგონი ლტოლვილთა ბადიურში გადასაყვანად, მათი რიცხვი 2 000-ზე მეტია. გზის უფროსი სთხოვს სამინისტროს საჩქარო ზომებს.

„სახალხო საქმე“, 1918 წელი, N393

მესხეთ-ჯავახეთის
დამხმარე კომიტეტი

(მოწოდება საზოგადოებისადმი)

ერთ წელზე მეტია, რაც საქართველოს საუკეთესო ნაწილი, ძველი მესხეთი და ჯავახეთი მუდმივი ომის ცეცხლშია გახვეული. ჩვენი კულტურის აკვანი, საქართველოს თვალ-მარგალიტი, საუკუნოების განმავლობაში ითვლებოდა ოსმალეთის ტლანქი ქუსლებით, რამაც დასცა მესხეთის კულტურა, ნანგრევებათ აქცია თვალწარმტაცი კუთხე და მესხეთ-ჯავახელებს წილად ხვდა დაუსრულებელი ტანჯვა და ცრემლები.

რულელები ტანჯვა და ცრემლები. დღეს ეს მხარე საშინელ სურათს წარმოადგენს. მთელი ჯავახეთი გაძარცვული და ნახევრად გადაშენებულია. ოსმალებმა გაზიდეს ჯავახელთა ოფლით მონაგარი სარჩო საბადებელი, ცეცხლსა და მახვილს მისცეს გლეხკაცობის სახლ-კარი, ხოლო მრავალი ამოწყვეტეს და უსუსური ბავშვები ობლებათ დაყარეს.

არა ნაკლები დღე დაადგა ახალციხის მაზრას. ჯერ იყო და შარშან სრულიად გააჩანაგეს ოსმალეთის ჯარებმა 15 ქართული სოფელი. ნაწილი ქართველებისა ჯავახეთით ბაკურიანის ტყეებს შეეხიზნა, ხოლო მეორე ნაწილი დარჩა ღვთის ანაბარათ ოსმალთა ხელში, რომელთა ცხოვრება ექვსი თვის განმავლობაში წარმოადგენდა საწამებელ საკანს.

ჩვენმა ისტორიულმა მტრებმა ესეც არ

იკმარეს. ბაკურიანის ტყეებში დამზრალი ლტოლვილები, უპატრონო ობლები, გაეშურნენ თავის კარ-მიდამოში, მაგრამ ფოცხოვის ავანტიურამ ერთხელ კიდევ აწამა ისედაც უსაზღვროთ განანამები ხალხი. დღეს დარბეულთ და უპატრონოთ ქართველი მუსლიმანებიც მიემატნენ.

ყველა ამით დახმარება უნდათ! ეხლა თესვის დროა, მიწები უნდა დაამუშაონ, რომ მომაგალონ კიდევ შიმშილში არ ჩაცვივდეს ხალხი.

მთავრობამ გადაწყვიტა ყოველმხრივით შეეცადოს განანამებ ხალხის ტკივილების განკურნებას, დაეხმაროს მათ რითაც კი შეეგვიძლია.

მარა, მარტო ეს არ კმარა. ორი დიდი მაზრა, ორი უდიდესი კუთხე საქართველოსა დღეს ილუპება და მას უდაბნოთ გადაქცევა მოელის, თუ ჩვენ დროზე არ მივეშველეთ. ობოლი ბავშვების ცრემლიანი ვედრება ცას წვდება, გლოვის ზარი გაისმის ამ ოდესლაც მხიარულ და მომხიბვლელ კუთხეში.

ქართველმა საზოგადოებამ აქ ჩვეულებრივი გულ-მხურვალეებით და გატაცებით უნდა მოკიდოს ხელი თავისივე ძმების შიმშილისაგან დახსნის საქმეს. საზოგადოებრივმა ინიციატივამ უნდა გამოიჩინოს აქ თავი, რომ მთავრობას საშუალება მისცეს გადაარჩინოს ეს მხარე შიმშილით სიკვდილს.

აი სწორედ ამ მიზნით ჩვენ განვიზრახეთ თფლისში და საქართველოს სხვა დაბა ქალაქებში „მესხეთ-ჯავახეთის დამხმარე კომიტეტის“ დაარსება, რომლის დანიშნულება იქნება დაუყოვნებლივ ზომები მიიღოს დამეუფლთა გამოსაკვებათ.

დღეს, საღამოს ექვს საათზე გოლოვინის პროსპექტზე, სახლი N24, იქ, სადაც მეომართა დამხმარე კომიტეტი იყო მოთავსებული, არის დანიშნული „მესხეთ-ჯავახეთის დამხმარე კომიტეტის“ დამფუძნებელი კრება.

ჩვენ მიგმართავთ საზოგადოებას თხოვნით, რომ ყველა იმან, ვისაც შესტკივა გული ჩვენი ქვეყნის საუკეთესო მხარეზე და ამ საქმეში შეუძლია რაიმე დახმარება გაგვიწიოს, მოზრდინდნენ დანიშნულ საათზე ამ ბინაზე, რომ სასწრაფოთ შევედგეთ საქმეს და ხალხი შიმშილით სიკვდილს გადავარჩინოთ.

მოქალაქენო, მესხეთი და ჯავახეთი შევლას ითხოვს, ნუ დაგავიწყდებათ, რომ ხელანვდილი ობლები უპატრონოთ დაძრწიან დანგრეულ სოფლებში და პური უნდათ. მანდილოსნებო, თქვენ არა ერთხელ მოვლინებიხართ მხსნელებათ ობლებსა და უპატრონოთ. დაწყებული აჭარადან, ვიდრე ომში დაღუპულთა ოჯახებამდე, თქვენ მი-

დიოდით ამ უპატრონო ხალხთან და მშობლიურ დახმარებით უმსუბუქებდით მწარე ტკივილებს. მესხ-ჯავახელებიც დღეს ასეთ შეველას ითხოვენ თქვენგან.

არ დაგავიწყდეთ, რომ დღეს „მესხეთ-ჯავახეთის დამხმარე კომიტ.“ დაარსების დღეა. მოიხადეთ თქვენი მოქალაქეობრივი მოვალეობა.

დამფ. კრ. წევრები:
ი. გომართელი, პ. სურგულაძე, ქ. შარაშიძის ასული, ლ. რუხაძე, ოსმან მიქელაძე.

„ერთობა“, 1919 წელი, N80

ცოტა რამ
საყურადღებო
საგანზე

რამდენიმე ათი ათასი ჯავახელ-მესხელი ქართველი ამ ჟამად ბაკურიანის ტყეებს და წალკის უდაბნო მინდორ-მთებში იმყოფება. ვინც ყოფილა და უნახავს მათი ყოფა მდგომარეობა, ის თუ წარმოიდგენს იმ აუტანელ პირობებს, რომელშიც ისინი იმყოფებიან. ჭეშმარიტად ტრაგედიას განიცდის ეს მართლაც და გმირი და ღირსეული ხალხი, დედა ქართლისაგან დავიწყებულ კუთხეების. ხალხი ბუნებით მეომარი, ხალხი ჩვეული ასე თუ ისე ლალ და მაძლარ ცხოვრებას, დღეს დავრდომილი, მშვიდი იძულებული შეიქმნა მათხოვრობა დაიწყოს. მაგრამ საქმე იმაშია, რომ საბრალოთ ესეც არ ეხერხებათ.

საბუთიანია და სამართლიანი ჯავახელ მესხელების საქართველოსადმი გულის წყრომა. შეცდომები არ უნდა განმეორდეს. დღეს შეველას ითხოვენ ჩვენი მოძმენი მრავალ ტანჯულნი, გმინავენ, კვნესიან უდაბნოებში და ჩვენი მოვალეობა არ არის, მათ მივხედოთ, ვანუგეშოთ მაინც? სულით დაცემული გაგამხნევით?

გაიხსენეთ გაზ. „ერთობაში“ დაბეჭდილი წერილები ჯავახეთ-მესხეთის შესახებ. რა გრძნობით სავსენი, რა ალტაცებით იყვნენ ისინი დაწერილნი, რა ქება-დიდებას ასხამდა ავტორი იმ ხალხს. ავტორი ჰგოდებდა და, ცხარე ცრემლებს აფრქვევდა საყვარელი კუთხეების დაკარგვის გამო. მეც დიდად დამამწუხრა იმ გოდებამ, იმ წერილების შთაბეჭდილება წარუხოცელი იქნება ჩემი გონებიდან, მაგრამ აქ მეტადედა კითხვა, ბევრზე იქონიეს ამ წერილებმა ასეთი გავლენა? ბევრს ჩასწვდნენ სულის სიღრმეში და გაუღვიძეს მიძინებულ გრძნობა მოძმის დახმარების? ვიტყვი, ბევრს არავის. შეიძლება წუთიერი შთაბეჭდილება მოახდინა, მეტი არაფერი. ტფილისში, როდესაც ამ გადმოხვენილთა შესახებ მიმართავ ვისმეს, გიპასუხებენ: აუარებელი საქმე გვაქვს, ცხოვრება საერთოდ მოუწყობელი. ასე, რომ სწრაფად დახმარება არ შეგვიძლიაო.

საზოგადო აზრი ჯავახელ-მესხელებისა როგორც ეს გავიგე მათთან პირადათ ბაასის დროს აწინდელი მდგომარეობის შესახებ ასეთია: სურთ დაბრუნება, მშობელი კერა მამაპაპური არ უნდა გავაცივოთო, ოღონდ მთავრობამ მცირეოდენი გარანტია მოგვცეს. პირველ ხანებში სრულ უარზედ იყვნენ უკან დაბრუნებაზე, მაგრამ აუტანელმა პირობებმა და უმთავრესად იმ გარემოებამ, რომ ისინი, როგორც მთის შვილები ბარს ვერ შეეგუენ, მათი მაცხოვრებელი ჯოგები სრულიად განყდნენ უბალახობის გამო, ამის შემდეგ სხვა გადაწყვეტილებას დაადგნენ.

მხოლოდ ერთი რამ დიდათ აწუხებთ, რომ ისინი მეტად მონყვეტილნი არიან საქართველოს ცენტრს. ამ მოსაზრებით მათ საჭიროდ სცნეს, უკეთეს მათი სურვილი განხორციელდა და შეინწყნარეს მათი ვედრება, აირჩიონ ერთი წარმომადგენელი მუდმივი, რომელიც წარსდგებოდა ეროვნულ საბჭოში, როგორც ნება სურვილების გამომხატველი ამ დაბეჩავებული ხალხისა. მგონი სამართლიანობა მოითხოვს ამას, ვინაიდან თუ კი საინგილოს მიენიჭა უფლება იყოლიოს საბჭოში თავისი წარმომადგენელი, თუ კი სამაჰმადიანო საქართველოს აქვს ეს უფლება, მე მგონია, რომ ჯავახეთ-მესხეთიც ამის ღირსი უნდა იყოს.

ამ მიზნით აირჩიეს კიდევ მასწავლებელი ვ. მ-ძე, რომელიც შესაფერი მანდატებით ალჭურვილი უკვე ქალაქში იმყოფება, როგორც ეტყობა ჯერ დანიშნულ მიზნისთვის ვერ მიუღწევია მას. იმედია ანგარიშს გაუწევს ვისაც ჯერ არს, ამ თხოვნა-მუდარას და დაკამყაფილებენ ჩაგრულთა ვედრებას.

მესხელი პალიკო,
„სახალხო საქმე“, 1918 წელი, N281



„კაცობრიობამ წერტილი უნდა დაუსვას ომს, თუ არა და ომი დაუსვამს კაცობრიობას წერტილს.“ ჯონ კენედი

ფოლკლორი

მოგზაური სიღმნოვი (ზღაპარი)

სოსო პარლიძე

მესხეთის მთებს

ხელმწიფემ თავის ლალას (გამზრდელს) უთხრა: წამოდი, ჩვენი ქვეყნიერება მოვიაროთ, გავიგოთ, ვინაა ჩვენი მადლიერი და ვინ მომდურავიო. გამგზავრების წინ დაფიქრდნენ, საით ავირჩიოთ საგალი გზაო. გაიხედეს შორს და ნახეს ერთი გლეხი ყანას ხნავდა. ეს გლეხი გაიტანდა კვალს და ცეკვავდა, გამოიტანდა კვალს და ისევ ცეკვავდა. ხელმწიფემ უთხრა ლალას, ნეტა რა აცეკვებს ამ კაცსო. გადამწყვიტეს სახში სტუმრებოდნენ ამ გლეხს საღამოხანს, როცა მუშაობას მორჩებოდა.

კარგა ხანს უთვალთვალეს გლეხის ცეკვა-თამაშს და საღამოს სახში მიადგნენ: „ბარაქალა შენს შრომას და კარგი მოსავალი ყანასო!“ – მიესალმნენ გლეხს. გლეხმაც თავმდაბალი სალაში უთხრა და სახში შეიპატიჟა. გლეხის ცოლი გამოეგება სტუმრებს, მერე ხარბი დააბა, ქმარს ფეხები დააბანინა. მერე გამოუტანა ქმარს სუფთა და ძვირფასი ტანსაცმელი. სტუმრებს გაუშალეს სუფრა ნაირნაირი საჭმლებით. ვახშმის შემდეგ სტუმრები ცალკე მოასვენეს. ნამუშევარ გლეხს მალე დაეძინა. მეფე და მისი ლალა კი საუბრობდნენ. ამისთანა ცოლის პატრონი რომ ცეკვავდეს მუშაობის დროს, რა გასაკვირია, – მე სამი ცოლი მყავს და ასე რომ მექცევოდნენ, ომშიც კი ვიცეკვებდიო, – თქვა მეფემ და გადაწყვიტა გლეხის ცოლი თითონ წაეყვანა, ხოლო თავისი სამი ქალი კი მისთვის მიეცა.

დღით როცა ხელმწიფეს გამოეღვიძა, ნახა რომ ქალი ამდგარიყო და საჭმელი უკვე მოემზადებინა. ხელმწიფე შეეკითხა გლეხს. ასეთი პატივი გვეცი და რატომ არ გვეკითხავ, ვინა ვართ და საით მიგდივართო?

გლეხმა მიუგო:
– თქვენც დალილები იყავით და

ჩვენც და როგორ შემენუხებინეთ? მაგრამო, უთხრა გლეხმა, რაკი თქვენ თქვით, მეც მოგისმენთო.

ხელმწიფემ უთხრა – ჩვენ წამოვედით, რათა გავგეგო ჩვენს სახელმწიფოში ვინ გვემადლიერება და ვინ გვემდურებაო. დაგინახეთ, როგორ ცეკვავდი ხვნის დროს და გავგაოცა შენმა მოქმედებამო.

გლეხმა უთხრა:
– მაგისი მიზეზი ჩემი ცოლიაო. ისე მექცევა, რომ დალილობას ვერასოდეს ვერა ვგრძნობო.

ეს რომ ხელმწიფემ გაიგო, თითონ გლეხის პირით, თავისი სურვილი გაუზიარა. შენი ცოლი მე უნდა წავიყვანო, სა-მაგიეროდ ჩემ სამ ცოლს შენ მოგიყვანო.

გლეხი დალონდა, მაგრამ ხელმწიფეს უარი ვერ ჰკადრა. წამოვიდნენ ხელმწიფე და ლალა და წამოიყვანეს გლეხის ცოლი. ქმარიც თან გაჰყვა, მისი ცოლების წამოსაყვანათ. გლეხმა იფიქრა, იქნება მომკლასო და ჩოხის შიგნით ხანჯალი შემოირტყა ჩუმაღ.

სასახლეში ხელმწიფემ ნადიმი გამართა, მერე მოიყვანა სამივე ცოლი და გლეხს უთხრა: დღეიდან ესენი შენ გაყავდეს და როგორც გინდოდეს, ისე მოექცეო. გლეხმა წამოიყვანა ქალები და თან უკან-უკან იხედებოდა, ეშინოდა, არ მომკლანო. მიადგნენ მდინარეს. გლეხმა უთხრა ქალებს: ამ მდინარეში უნდა გავტოპოთო. შუა მდინარეში რომ შევიდნენ, კაცმა ისინი შეაჩერა და უთხრა: ეს წმინდა მდინარე არის, აქ უნდა დავდოთ ფიცი ცოლ-ქმრობაზე. მანამ ფიცს დავდებთ, ჯერ თქვენი ხასიათები გამაცანითო. ერთმა თქვა: მე ყველაფერს გაგიგონებ, ყველაფერში მოგემსახურები, ოღონდ ერთი ნაკლი მაქვს – პირზე მოსული სიტყვა თუ მოვითმინე, მოგკედებო. გლეხმა იფიქრა, ამისთანა ენის ქალს არაფერი

ემველებო და ხანჯლით თავი მოჰკვეთა. მერე მეორემ თქვა: მე რომ არ ვიქურდო, არ შემიდლიაო. გლეხმა მას არაფერი არ უთხრა. მესამემ თქვა: ცუდ გზაზე რომ არ ვიარო, ისე ვერ გავძლებო.

გლეხმა ამ ორს გამოუძღვა და მიიყვანა სახლში. დღით გლეხმა ქურდი ქალი იხმო და უთხრა:

ყველაფრის გასაღებებს გაბარებ. მე ქურდობას არ გიშლი, მაგრამ თუ შეგამჩნიე, ისეთივე ამბავს დაგმართებ, რაც ენატანია ქალსაო. ასევე დაემუქრა ცუდ გზაზე მოსიარულე ქალს. ამის შემდეგ გლეხი დაემშვიდობა მათ და ყანაში სამუშაოდ წავიდა. დარჩნენ ეს ქალები მარტონი. იფიქრეს, ჩვენ იმისთანა დღე მოგველის, რომ უნდა მოვიშალოთ ჩვენი საქციელიო. მთელი დღე ისე გაატარეს, როგორც კარგმა ოჯახის ქალებმა. გლეხი როცა სამუშაოდან დაბრუნდა, მიეგებნენ, ხარბები გამოუშვეს, ორივემ ფეხები დააბანინეს და მერე ვახშამი აჭამეს. სამივენი ერთად დაწვნენ. ყველაფერს ისე აკეთებდნენ, რომ გლეხისთვის ესამოვნებინათ. აქამდე თუ გლეხი მუშაობისთვის კვლის თავში და ბოლოში ცეკვავდა, ახლა შუაშიც ცეკვავდა.

ხელმწიფე და ლალა დაინტერესდნენ გლეხის ბედით და ერთხელ კიდევე გაეშურნენ მის სანახავად. ნახეს გლეხი შუა კვალშია ცეკვავდა. საღამოს სახშიც ესტუმრნენ და როცა ნახეს გლეხის ცოლების საქციელი, ძალიან კმაყოფილები დარჩნენ. არც გლეხი არ იყო უკმაყოფილო მეფისა და კარგად აქეიფა.

მთქმელი ალექსანდრე ლეკიშვილი,
43 წლის, სოფელი თოკი,
ასპინძის რაიონი,
ჩაიწერა ამირან გომართელმა
1965 წელს.
თსუ ფა N3766

მესხური გამოწონიქვაძი

***	***
სამოთხეში შევედი და ეშმაკებით სავსე დამხვდაო!	თავს საბან-ბუმბულში აწვენდნენ და თავი სოროში მირბოდაო.
***	***
ცხვარში მგელი შევარდაო და ვაი ერთის პატრონსაო.	ითხოვე, ათხოვე და სული აცხონეო!
***	***
ცოცხალს არ მეცვა კაბანი, მკვდარს მიკერმდნენ კუბოსა.	ასი ერთსა მცემდეს, რა მოუხერხო?

	თუ ნიადაგი არ ვარგა, ხენა-თესვა გასაჭირიაო.

მადლობა

გაზეთ „ლიტერატურული მესხეთის“ რედაქცია მადლობას უხდის ახალციხელ ბიზნესმენებს
ბია ამირანაშვილს, თინათინ ხითაიშვილსა და სიმონ თელიაშვილს
ფინანსური დახმარებისათვის

შეცდომის გასწორება

ჩვენი გაზეთის წინა ნომერში (გვ.3) გია ტულუშის ლექსის სათაურში ნაცვლად „ღმერთის ღანვები“-სა უნდა ეწეროს „ღმერთის ღანვებზე“.

გაზეთის ელ.ვერსიების არქივი: ციფრული ბიბლიოთეკა „ივერიელი“ (საქართველოს ეროვნული ბიბლიოთეკა)

დამფუძნებლები:

ფიზიკური პირი ავთანდილ ბერიძე
სსიპ სამცხე-ჯავახეთის სახელმწიფო უნივერსიტეტი

გაზეთი რეგისტრირებულია ასპინძის რაიონის სასამართლოს მიერ 1998 წლის 15 ოქტომბერს.
სარეგისტრაციო N19/4-17

გაზეთის რედაქცია სარგებლობს თავისუფალი პრესის პრინციპებით და ავტორის მოსაზრებებსა და გამოწონიქვამებზე პასუხს არ აგებს

კომპიუტერული
უზრუნველყოფა
ირმა ჯიშკარიანის

რედაქტორი ავთანდილ ბერიძე
სარედაქციო საბჭო:
დურმიშან ბერიძე, მერაბ ბერიძე,
ვახტანგ ინაური, სოსო გიქოშვილი

გაზეთი დაიბეჭდა
შპს „საარის“ სტამბაში
მისამართი: ქ. თბილისი,
თევდორე მღვდლის 57.
ტელ: 2.94-14-32

რედაქციის მისამართი:
0500, დაბა ასპინძა, თამარის ქ. N3,
ტელეფონი მთავარი რედაქტორის: 599 97 95 24
lit.meskhedi@gmail.com
lit.meskhedi@yahoo.com